

# 蘇江

## 第八目錄

- 圖畫◎揚子江航路全圖○日俄當局將和尙像  
社說◎民族精神論(續七期)○日俄開戰與中國  
學說(五門)  
政法◎西人之無君  
哲理◎讀斯賓塞社會平權論  
歷史◎臺灣三百年史(續前期完)  
軍事◎俄國軍事一斑(續前期完)  
實業◎商業發達論(續前期完)  
大勢◎日俄交涉之頹末○英德於揚子江之競爭  
○中國鐵路之現狀及將來(附系統圖)○中國  
所失礦權之一斑○巴拿馬之風雲  
小說◎章回體○孽海花○分割後之吾人  
設苑◎雪湖高士楊碩夫先生傳○英雄逸話  
文苑◎雜詩數十首  
時評◎(內國部)祝川漢鐵路公司之成功○浦澤  
鐵路之計畫○滿州政府對東三省之舉動○西  
藏之危機○(外國部)各國對滿州問題之舉動  
調查錄◎揚州教堂一覽表○淮安府山陽縣調查  
概略

行發日朔回一月每

行發會鄉同蘇江

總經理處

明

權


社

# 日俄當局將相之肖像

山本海相



小村外相



寺內陸相




俄國東亞總督亞力斯夫



日本參謀總長大山巖



陸軍大臣庫羅巴金



外務大臣高爾察可夫  
(1363)



海軍大臣羅茲高斯基

恭賀新禧

(1365)

(1364)

## 社 告

本社同人咸以學課餘暇兼營雜誌延期之愆時所不免重勞

諸君遠慮尚祈諒之

今也東亞風雲日益緊急日俄戰局在在與中國有絕大關係同人身居東邦見聞較確務當切實研求詳細登載以副

諸君之望從九期起新增日俄戰記一門就日俄戰爭狀況一一詳細報道其餘各門亦皆刷新改良不遺餘力

江蘇雜誌部啓

(1366)

江

蘇

1



民族精神論(續前期)

夫天下事非易言也。當其局者苟不審其時勢之如何驟焉以他人之國情相比較。則措施未有不徒勞而無功者。彼之唱保皇言立憲者于今亦實繁有徒矣。細察其內容果有一毫于吾國之內情適焉與否。果有寸點于吾同胞之感情適當與否。執政治家理解極淺者而問之。雖其眼如何冷。腦如何細。未必遽然首肯也。夫此果何故而然也。今之言天下事者大都未察吾族之真相。夫真相之所在。民族秘密之所存也。曰宗教。曰風俗。曰語言。家異其方。人殊其俗。內容之所在。往往出于幽莽者之意料焉。夫吾唯自忘其位置。故昧于同胞之現情。天下事未有不先瞭然于一身之

(1367)



現情而尙可以言改革言創造者也。今之抵掌論天下事慷慨欲以身嘗試者。嚆不  
欲一躍而登舞臺乎。而執以吾所說之資格。乃一無當焉。又何怪其初而奮繼而喪  
然沮也。雖然。吾嘗聞歐美政治家之言矣。君子欲以其身犧牲于同族。發偉論以警  
醒之。興大業以提撕之者。必先觀其內部結合之距離。此固得之于歷史者也。夫吾  
人目前觀之結果。亦未有不歷史來者。然必地勢之紛紜錯雜。人情之奇異特殊。  
種種之方面瞭然而明。而後斷以一己之識識定。而後天下事可以言。同族得以有  
所藉手。否則雖有大砲幾千株。快鎗幾萬把。殺人乎。放火乎。吾不知其用之于何處  
也。今日吾國言論龐雜之害。其狀大類乎此。有熱心于國事者。靜而思之。當可得其  
證也。然則吾族之真相可得言乎。夫吾族托足之地。南抵交趾。西達西藏。東至于海。  
北抵幽燕。幅員不可謂不廣矣。各省之民。人口衆者不下數百千萬。父兄長老之  
所家。祖宗邱墓之所在。食于斯。歌于斯。寢于斯者數千年于茲矣。當夫西人未來。胡  
虜未入中國。吾族之善能用其勢力者。蓋亦不乏人焉。夫發揮本族之特性。震服胡  
越氏羗之異族。雖聚斂過多。勞民傷財。然冒多欲之譏。而有鷹揚之烈。使漢族之聲

威赫然有以震懼乎中外。至于今猶受其賜者。非漢之武帝耶。胡騎踏來。元戎授首。  
君王南渡。父老東遷。乃能以掃蕩胡氣。擴清大夏。爲己任。思渴飲匈奴之血。直抵黃  
龍府。與部將痛飲。以爲快。背刺盡忠報國之字。以顯其氣魄之雄毅。其功雖未成。其  
心事正可以發揚吾族之精神。使後世子孫有所旌式。若此者。非岳武穆將軍威靈  
之所在乎。夫讀忠臣孝子之傳。思祖宗奉公好義之風。可以令吾歌令吾泣。令吾神  
魂顛倒者。夫豈止此一二而已乎。朱熹唱正學。見忌于奸臣。椒山上直疏。遭讒于佞  
賊。延及明季。東林黨名士崛起于一方。說仁義道德。以折奸邪。僉任之徒者。隨  
在皆是。乃至流血數千。刎頸相繼。囹圄之中。霜雪之野。浩然之氣。逼霄漢而貫山河。  
者。又不知凡幾矣。夫此豈楊漣左光斗輩。可以獨擅其美者哉。綱常名教。正氣之歌。  
德義之粹。正吾族自古及今一大精神之所凝積而成者也。  
今雖國亡種奴。然北方蠻族終不能沒我固有之文明。使同化于猩氍犬羊之侶。其  
言語猶是平上去入之正音。其文章猶是虞夏商周之遺脈。其德化猶是仁義禮智  
管絃歌樂之遺韻。先王之教雖淪于就湮。吾族之靈魂猶儼然如故。嗚呼。此亦吾族

人可以觀前微而知奮覽五洲大勢而登舞臺之絕好機會矣抑吾又嘗思之民族精神之統一也匪僅可以恃區區之載籍與先正之典型也試如交通之便利者則精神之趨于統一也恒易其交通之繁難者其精神之懷于分裂也亦恒多佛蘭西之民族所以純粹而無偶者豈不由于此乎若夫吾祖國者北抵沙漠黃河以東崆峒嶠函之間風氣純然大陸沈毅剛強勇而好義戰爭之材智則有餘政治之能力多不足北地之人恒類是焉荆湖之間溪谷廻曲近年以來不乏通人志士持開化之說者大都屬望于湘南其他若雲貴川廣（奧西）之大部開化稍滯然聲氣所及必有結合而成一團之日此則西南邊吾族之現情也粵閩俗尚最異吾族之流于此者殆遠自古昔無可疑義攷其語脈本無大殊然以交通之難不能與他省人與接爲構營生于外洋者反多于內地此其人勇于冒險善于經商西洋人稱吾族有自治之才力者實賴此二省同胞能踐其實際也至于三江兩浙之間自古以來未嘗無奇才卓絕之士然運會所趣遷流最久于今已不復有聞者任俠好義之風蓋亦漸衰矣讀書之士固無論即下流社會之大部亦多流于文弱而舞文弄墨以

(1370)

詞客騷人自命好爲輕佻儇狎之流者尤以吾蘇爲最此則大可爲吾鄉人悲者也嗚呼綜觀以上諸同族其特長既各顯于今日其才智各發見于一方雖其間不無弱點未能與今世文明諸族相爲角力然頭腦之精細才力之聰明固迥出于尋常萬萬而非東胡之族所可同年論者固不待言也然而吾族又何以不能趨于一致也夫民族所以能自立于天壤者以其有一種不可思議之特長也然特長者固非聯合諸族使成一團之謂也夫豈特不能轉足以使大一統之民分裂而成無數之部落若今日是也自古以來未有守龐大之地其後不分裂而爲數國者不觀西歐之歷史乎該撒之統一查列曼之雄圖一時之泡沫而已吾族之有今日也幸而已然吾竊憂夫目前泄泄沓沓之狀持此以往終無不敗之日吾一思吾民族之內情未嘗不悚然懼也夫欲使吾族得長治久安之樂必使吾族有長治久安之資格欲使吾族有長治久安之資格必有所以長治久安之方圖其方則必調查其情勢今之情勢如何也吾不能以悉言就地理一端論之則既如吾上者之所言矣而又有從古以來恒久不變之習慣各留于諸同族之腦影欲使其強彼而就此也又有

(1371)



所不能。則即今而着手圖吾族診治之方。不其殆矣乎。不其殆矣乎。

雖然。吾不能不屬望于吾鄉人也。吾屬望于鄉人。吾請言鄉人受病之所在。今鄉人之受病。果何在。乎。曰。文與弱兩字而已。惟文也。故不能武。惟弱也。故罔克強。夫中國之人。不尙實學。然捨形下而一從事于形上者。未有如吾鄉人之空疏也。中國之人多乏進取心。然屢遭擊刺。一毫不以動其腦氣筋者。未有如吾鄉人之柔順也。洋行買辦通事之材。不在甯波廣東兩處。則在申滬之間。雖曰生計缺乏。使然。亦何至隨波逐流。忝不知怪如此乎。夫甯廣之人。富于團結。力我鄉人。則不聞有是也。勇于企業心。我鄉人亦不聞有是也。肖他人之短。至其長。則棄而不問。我鄉人之自待。果何如乎。夫此不過目前之現象耳。試就數十年以來。吾鄉經過之歷史觀之。乃知吾國滅亡之禍。各省之人。雖與有責。尤不得不以吾鄉人爲罪之尤也。試觀五口通商。鴉片戰爭之際。當是時也。英人占據香港。遣兵艦于舟山示威于吳淞口。表裏之間。若非南京條約告成。吾鄉已早淪爲白種之二層奴隸。是時也。英人之舉動。何如乎。既蔑視我主權。更不知有公法。強辭奪理。奮然相刼。我鄉人處沿海之交。當通商咽喉。

(1372)

六

之地。曾不聞有出而相抵之一舉。使外人稍生畏忌。若四明公所事之類者。此不可以觀吾鄉人材質之何如乎。夫山東直隸之民。雖文事不如吾鄉。其程度或在中下之交。然打拳習棒。爭欲滅洋。卒能創爲義和團頑固之舉。使各國不得不同心協力。勞民傷財。聯兵以入此老大帝國之境。此其舉動。雖曰野蠻。然一時快心辣手。逞血氣之勇。乃至使外人蹙額屏足。莫可誰何。此亦可以于困頓無聊之際。暫自慰矣。吾請一言以蔽之。此其人所謂猶有影響于世界者。若吾江蘇人者。非文非武。非智非愚。未嘗不知自由。攷其實際。則儼然奴隸。未嘗不知平等。攷其行事。則罔弗野蠻。學會學堂。旋設旋散。報館名目。愈出愈奇。從不聞有一驚天動地之劇。一新吾族之耳目。以爲各省倡先聲者。我鄉人何其好自逸也。夫氣魄者。人身之精液也。事業者。民族之元氣也。失其精液而喪其元氣。以不痛不癢之民而處此富源無盡之地。雖簇生遍地。亦奚益乎。就令吾鄉人常處世界。子子孫孫。相傳無窮。亦且爲後世言民族者。留爲笑柄。又何論夫優勝劣敗之地球固。不與吾以劣等。自甘之民族。常處人間之權利乎。悲哉。悲哉。此揚子江沿岸之民。長夜漫漫。果將何以告厥終也。嗚呼。我

(1373)

所不能。則即今而着手圖吾族診治之方。不其殆矣乎。不其殆矣乎。雖然。吾不能不屬望于吾鄉人也。吾屬望于鄉人。吾請言鄉人受病之所在。今鄉人之受病。果何在乎。曰。文與弱兩字而已。惟文也。故不能武。惟弱也。故固克強。夫中國之人。不尚實學。然捨形下而一從事于形上者。未有如吾鄉人之空疏也。中國之人多乏進取心。然屢遭擊刺。一毫不以動其腦氣筋者。未有如吾鄉人之柔順也。洋行買辦通事之材。不在甯波廣東兩處。則在申滬之間。雖曰生計缺乏。使然。亦何至隨波逐流。忝不知怪如此乎。夫甯廣之人。富于團結。力我鄉人。則不聞有是也。勇于企業心。我鄉人亦不聞有是也。肖他人之短。至其長則棄而不問。我鄉人之自待。果何如乎。夫此不過目前之現象耳。試就數十年以來。吾鄉經過之歷史觀之。乃知吾國滅亡之禍。各省之人。雖與有責。尤不得不以吾鄉人為罪之尤也。試觀五口通商。鴉片戰爭之際。當是時也。英人占據香港。遣兵艦于舟山。示威于吳淞口。表裏之間。若非南京條約告成。吾鄉已早淪為白種之二層奴隸。是時也。英人之舉動。何如乎。既蔑視我主權。更不知有公法。強辭奪理。奮然相刼。我鄉人處沿海之交。當通商咽喉。

(1372)

之地。曾不聞有出而相抵之一舉。使外人稍生畏忌。若四明公所事之類者。此不可以觀吾鄉人材質之何如乎。夫山東直隸之民。雖文事不如吾鄉。其程度或在中下之交。然打拳習棒。爭欲滅洋。卒能創為義和團。頑固之舉。使各國不得不同心協力。勞民傷財。聯兵以入。此老大帝國之境。此其舉動。雖曰野蠻。然一時快心辣手。逞血氣之勇。乃至使外人蹙額屏足。莫可誰何。此亦可以于困頓無聊之際。暫自慰矣。吾請一言以蔽之。此其入所謂猶有影響于世界者。若吾江蘇人者。非文。非武。非智。非愚。未嘗不知自由。攷其實際。則儼然奴隸。未嘗不知平等。攷其行事。則罔弗野蠻。學會學堂。旋設旋散。報館名目。愈出愈奇。從不聞有一驚天動地之劇。一新吾族之耳目。以為各省倡先聲者。我鄉人何其好自逸也。夫氣魄者。人身之精液也。事業者。民族之元氣也。失其精液而喪其元氣。以不痛不癢之民而處此富源無盡之地。雖簇生遍地。亦奚益乎。就令吾鄉人常處世界。子子孫孫。相傳無窮。亦且為後世言民族者。留為笑柄。又何論夫優勝劣敗之地球。固不與吾以劣等。自甘之民族。常處人間之權利乎。悲哉。悲哉。此揚子江沿岸之民。長夜漫漫。果將何以告厥終也。嗚呼。我

(1373)



鄉人其亦知政治上權力之公例乎。就令中國而興也。我鄉人持此無用之身。受他人羸餘之幸福。又奚面目以見他省之同胞乎。且夫愛爾蘭人。非猶是英國之民族耶。胡爲乎二十世紀以來。自治之問題。猶不絕于政客之口何也。嗚呼。故鄉萬里回首。雲山蹙念。同胞潛然涕下。我鄉人。我鄉人。其亦知自愛乎。其亦知自愛以恢復乃祖之盛業乎。

今欲爲吾鄉人痛下針砭。吾雖舌敝唇焦。又奚以益然。所以叮嚀鄭重。不憚反復者。欲使吾鄉人各了然于其一身位置于一鄉團體之關係而已。此一言也。知之匪難。眞知實難。力行尤難。知其難而勉焉。汲汲孜孜。不遑息焉。夫然後面目庶幾一新。精神庶幾一振。是在吾鄉之力行何如而已。夫民族自改革之而自創造之。民族之固有權也。斯權也。他人不得而奪之。鬼神不得而侵犯之。自存自生。自往自進。而發生而膨脹。而蔓延于世界。皆在民族之自待而已。嗚呼。吾不知吾鄉人之自待果何如耶。果何如耶。

夫欲使一民族成一方新之象。則必有無數之願作犧牲于其同族者焉。因諾根其

(1374)

擴張希臘教于阿慕爾諸州。西北利亞乃同化于露西亞矣。李溫谷探險于南亞羅得拓境于巴爾。而英人勢力乃猖獗于非洲矣。若爾人者。皆近世史中不可多得之人物也。今之受崇拜馨香者。亦有人矣。未有若以上諸人受崇拜馨香者之切也。諸人者。其面目不必同。其方法不必同。至其肯爲民族犧牲之志。則無不殊途而一致。堅忍不拔之操。勤苦奮勵之氣。精神所到。無不欲使同族之人發光輝于世界。心目中至以此爲無上之快樂。及至收效成而同胞受其福。當日種種之苦心。乃發見于一旦。丈夫如此。其亦可以告皇天后土而無愧矣。我故鄉之青年。下闡里黨與懷劍出游者。類不乏氣蓬蓬而志勃勃者。士然試瞑目一思。我一身之位置于今爲何如。我輩所宜發奮者爲何如。必如何而後可稱盡吾之天職。必如何而後可對我之同胞。必如何而後可以處此生存競爭之世界。綜而察之。默而識之。恍然于吾鄉今日危急之所在。而猛勇奮發。必使吾鄉改革之事大成而後快。振其氣。堅其志。固其操。不以富貴撓其心。不以死生撓其志。不以目前之小小成敗挫折其目的。夫如是。其亦可以稱民族之犧牲者乎。夫青年者。後來之師表也。同胞之干城也。吾是以于

(1375)

民族精神論之終而不禁殷殷然囑望于故鄉之青年也

(完)

沈埋數百載

幽光豈終匿

(1376)

日俄開戰與中國之關係

V G. T. 生

燃我砲整我鎗。逐露西亞人。逐露西亞人戰！戰！戰！此日人十年來全國所唱道者也。至于今日日俄竟開戰矣。

溯自遼東附還之約成。滿洲撤兵之期延。而協商而衝突而戰爭。其間經永久之時代。由于種種之原因。以至有今日之結果。蓋一國民之感情實于國際上有絕大之影響。故往往因小故而至成絕大之問題。演絕大之慘劇。況於其國勢權利有直接之關係者耶。則日俄之有今日又何足異。獨是戰爭國之實情及戰爭後之影響。戰爭時關係國之方針。則又今日重要之問題。而人盡欲知者也。故請畧其遠大之重因。而論其近日之事實。

夫侵鄰掠地。遠交近攻。自彼得大帝以來。俄人歷世不變之國是也。然西歐列強從衡均勢之策行。幾有無隙可乘之勢。偶乘巴爾幹半島之風雲。欲伸其勢力于東歐。遭列強之干涉。而敗更向中央亞細亞之方面。取南下之策。又因英人之抗拒。而沮放眼四顧。所餘惟東亞之天府。尚可一逞其野心。于是竭力計畫。西自沙馬爾康德。

以入伊犁東由蒙古以出滿洲先奄有東北一帶之曠土爲立脚之基礎進至支那本部以暨其無限之欲望所謂極東經營者其淵源之深遠有如此也然西北利亞鐵道之進行其預定自斯土列廳士克至哈巴路夫士克之線路山路迂迴地勢險惡巉巖崢嶸不易開鑿于是不得不取道于他國取道于他國則莫便于滿洲故巧市還遼干涉之恩邀旅順大連之永借假鐵道營業之名竊領土攘奪之實此非俄人近日之陰謀而世界所共知者乎且夫國威外揚則內治隨之而理國權外縮則內治因之不安者專制國之常勢也況財政之困絀民力之窮乏人種之複雜信教之煩累姦吏之暴橫冤民之嗟怨如俄國者耶苟一朝失墜其對外之方針則其國內之亂動將不旋踵矣今俄人對外之政策在極東經營之前途極東經營之前途繫于滿洲問題之得失若因列國之抗議日本之爭論而一旦棄其占據之土地國威之失墜國權之屈辱孰大于是故俄人今日之不得不戰者勢也

夫列強之垂涎東洋者非一國也然其所經營非鐵道之布設即鑛山之開採獨俄人則以侵畧攘奪爲不二政策故得旅順之租借即視遼東爲屬地得鐵道之利權

即視滿洲爲外府一旦其經營之成功固不特朝鮮半島及北方無尺寸之完土彼一葦孤立自多島而成之國又焉能免蠶食之禍乎故于今日之問題日人不得不出死力以爭上游然俄人之于滿洲不顧其內治之困難度支之窮絀傾帑竭力以經營之者今欲其拋棄一切以維持平和固必不可能事也即或因抗議警告之紛煩稍讓其步而根深蒂固得時即起當此之時羽翼已成不可復制優劣形勢不待戰而後知矣故今日日人欲保其東亞之地位及朝鮮之權利非逐俄人于黑龍江外不可而滿洲經營之根底又俄人全力之所在也故日人之不得不戰者亦勢也雖然此猶就日俄二國之關係而言之耳若曠觀世界之大勢則此一戰也實不僅普通國際之衝突而黃白人種之大競爭也近日白哲人種挾其民族的帝國之政策風馳電掣以趨于亞東乘我國之危弱以割我領土奪我利權至于今日十八省無完土矣故今日各國之對于滿洲除門戶開放以外無不聽俄人之活動蓋各國于亞細亞利益尙有避讓之餘步觀旅順大連租借時可以知也況俄德新聞日倡黃禍之說以聳各國之耳目俄新聞至以日英同盟實爲激成黃禍之動力故今日

亞東三島陷于孤立之地。步而不得不表同情于我國者。又勢使然也。蓋人種之競爭于二十世紀。爲尤烈。而他種之逼來。又適促同種之結合。日本今日倡同種之說。于中國雖與俄人之斯拉夫。統一德人之日耳曼。聯合政策稍有異同。而其迫于世界之大勢。實有不得已之苦心。則不可誣之事實也。是故今日之戰。我中國不能不表同情于日本。而圖擴張黃種之勢力。以阻亞利揚人東漸之路。否則日本以獨力任此重任。其勝敗不可知。而我國人無位置于民族中矣。況戰爭之地在滿洲。而滿洲爲中國地乎。

我非軍人。故不能比較兩國軍力地勢。以一決其勝敗。然此驚天動地之活劇。海外軍人政客。爲之預想測度者。蓋不乏其人矣。我乃撝拾一二。以供研究之補助。亦未始不可以知日俄戰事之一斑也。日俄艦隊比較。噸數雖無大差異。然日艦多新式。軍艦來自歐洲。其速力十八海里。有餘。而日本又產出煤炭之地。僅供軍用。不致闕乏。又其海軍士官。類能熟悉黃海日本海之地勢。航路。俄艦則舊式較多。其速力不過十六海里。而煤炭不足。地勢不熟。實居劣等之地位。且據最近之報告。于仁川擊

沈艦三隻于旅順擊沈。艦三隻。日本海軍已不得不占上游之勢。而勝負優劣之數。亦可見矣。至于陸軍。則俄人較便。而日本則不得不藉船舶之運送。且攻守之勢。異主客之形成。欲操勝算。頗非易易。則今日二國戰爭之結果。實視其司令官之調度。爲轉移。而非局外人所能深知者也。

夫戰必有戰勝品。爭必有目的。物則戰爭以後。之中國其位置爲何如。耶曰。俄勝以後。之中國必至瓜分。日勝以後。之中國必至失其主權之一部。何以言之。俄人之野心。不獨注于東三省。中國北方一帶。沃土皆其平日所垂涎。而伺隙以動者也。一旦乘屢勝之勢。長驅南下。則北部豈我有乎。當是時也。德則不得不據山東。以平均其勢力。英則不得不據揚子江。以爭中原。法則不得不據南部。以伺英人之後。蓋瓜分之局。唱之已久。至于今日。而尚未實行。者。以機會之未來耳。若一旦俄人犯大難。以爭先着。則列國雖欲不瓜分。亦不可得。聞英人因日俄開戰于香港。極意經營。軍備其目的所在。雖不盡知。而各國于戰後問題之結果。無不注意。則英人心思亦大可見矣。若日人一戰而逐俄人于滿洲。則遼東一帶。皆其所占領之地。欲其依然



還之於中國固不可得而列國坐視其獨邀戰勝之利益亦必不可得展轉周折無不以中國爲魚肉以盡力于勢力範圍之擴張當此之時雖欲容喙豈可得乎則無論俄勝日勝皆於中國前途有絕大之影響不過俄勝則瓜分之禍益速日勝則瓜分之禍稍遲而其時列強之干涉與否同盟之効力何如則又非臆測之所能逆睹者也

然則中國今日對於滿洲不易之方針可以知矣天下未有無代價而可得利益者亦未有拂代價而毫無利益者此不易之公例也故中國苟欲收回已失之利權不可不拂收回利權之代價代價如何曰鐵與血而已能出一分之鐵血則可以收回一分之權利能出十分之鐵血則可以收回十分之權利日人勝則我可以乘勢復滿洲俄人勝則我亦可以邀名譽之失敗庚子之役聶某以數千人與聯軍接戰至今猶爲各國所稱道以視今之畏事苟活而終不免于難者其賢不肖爲何如也難者曰戰而敗則瓜分不愈速乎曰中國之瓜分與否不在戰與不戰戰亦亡不戰亦亡坐而待亡不如戰況俄兵之在滿洲者不過十萬而大敵當前又不得不以全

(1382)

力相搏我止須以兵出山海關劫其後路則足以制俄人之死命而有餘若能占據東清鐵道之線路則俄兵之運送將絕然後竭南方之財力用北部之練兵使俄人腹背受敵不及返顧則東三省我囊中物耳日人抗其前我扼其後彼可薩克兵將無用武之地而從此東亞之大地一大變矣嗚呼今日之時局危急存亡之秋也欲不戰得乎若遷延時日坐失機宜則集九州鐵不能鑄此大錯彼平日以練兵爲任者將何以自解于天下耶嗚呼我同胞起！起！起！舉我七十萬方里之土地可以填東海爲平地流我四百兆人民之血可以染黃海爲赤海區區俄狗何足供我民族之一舉手足起！起！起！日俄開戰……正大國民成就之時期……

(1383)



(1384)

繪圖  
加批  
**陸沈叢書初集四種出版**

甲●建州女直攷 乙●揚州十日記  
丙●嘉定屠城記 丁●忠文靖節編  
定價大洋七角

**寄售處**

日本東京留學生會館●江西省城教育會  
●上海國學社鏡今書局教育館●蘇州開  
智知新文瑞樓等書坊

政治  
小說

**自由結婚**

初二兩編共兩冊  
定價大洋七角

右書著者爲猶太遺民萬古恨譯者爲震旦女士自由  
花以經天偉地之事業寓乎兒女情懷繾綣之中小說  
界中之絕作也海內士人聞秀幸快先睹

(上海各書坊均有出售) 自由社告白

陽湖沈聯譯述  
**活世界**

全一冊  
價四角

歐洲今日之文明悉胎原於十八九世紀交會時之變  
動使無十八九世紀交會時之變動歐洲與東亞可無  
異殊本書詳述變動時代之狀況一讀之下可以恍然  
於歐洲進步之所以

金一譯述

**三十三年落花夢**

洋裝美本寫真版二頁  
插入定價大洋七角

日本宮崎寅藏與支那革命大豪傑孫逸仙同從事於支那  
之改革凡十有餘年是書即宮崎君敘述半生之歷史事  
與支那有關雖當作支那近時革命史讀亦無不可

**國體政體概論**

二角

**法蘭西革命史**

八角

**新爾雅**

六角

**中江篤介**

二角

上海棋盤街

**國學社告白**

(1385)

## 潮 江 浙

## 錄 目 期 十 第

▲中歷十月二十日發行(洋裝百八十頁每月一四)  
(定期二十日發行)

- 圖書○浙江全省十一府新地圖(其九)
- 嚴州○西湖勝景……孤山全景……孤山遠眺○六和塔……寶叔塔……溫州甌江一覽
- 社說○駁劉鐵雲礦事啓并呈晉撫景
- 論說○儒教國之變法
- 學術○日俄開戰與中國之地位
- 政法○法律上人民之自由權
- 實業○植物與人生之關係
- 哲理○希臘古代哲學史概論
- 教育○鐵血主義之教育
- 地理○地人學
- 科學○釋合金
- 大勢○各國內情○德意志之新政策
- ▲國際政局○歐洲國際政局之遷移

- 談叢○野獲一夕話
- 所聞錄○異哉奉化之學界○敬告寧海
- 鳴呼○雲南休矣○餘數件
- 專件○杭州女學校章程
- 奉化教育會章程
- 雜錄
- ▲東報隨譯………數件
- ▲瑣談片々………十條
- ▲問答
- ▲紹介新著
- ▲留學界記事
- ▲小說○地底旅行
- ▲文苑○刺時○塞上曲○餘數件
- ▲調查會稿○浙江省防調查表○餘數件
- 浙江文獻錄○上監國魯王書○上延平王書○復曹監軍書○復僞總督郎廷伍書○餘數件

### 總發行所

### 總代派所

日本東京牛込區  
東五軒町九番地  
浙江省下城頭巷  
上海英租界

浙江潮編輯所  
杭州白話報館  
棋盤街國學社

全年(冊二十)………三圓二角  
半年(冊六)………一圓七角  
季(冊壹)………七角  
外郵加稅

(1386)

## 政 法



西人之無君

噫。無君。天下。有無君之人。哉。吾望之久矣。

君也。者。民之賊也。無君。斯有民矣。

君也。者。又國之蠹也。無君。不必即愛國。而愛國之士。必無君。

耗矣。哀哉。我中國之有君。而無民也。民有田疇。君鬻之。民有衣冠。君毀之。民有生命。

君奪之。羣千百億萬之民。托命於一夫之下。最尊榮之名。號不過曰蒼生。曰赤子。最

冒昧之言。論不過言保皇。言立憲。最憤激之舉。動不過清君側。禦外侮。辱身降志。自

學 說 西人之無君

(1387)

以爲可幸無罪矣。而君王不諒，猶橫加以無君之名。嗚呼！無君者，果如是乎？試讀西史，蓋有真無君者。

耗矣！哀哉！我中國之有君而無國也，吾不問吾國位於何方，吾不問吾國疆域幾許，吾不問吾國主權誰屬，第聞九重之上，有裘委焉，則北嚮遙指而相慶曰：「吾國固無恙也。」嗚呼！吾書至此，吾復何言？吾惟有灑一滴血淚，鑄成八字曰：「人盡君也，國一而已。」

(1388)

吾爲此論，必引西例，非敢借西人以自重也。天下人之無君，其旨蓋有二焉：有惡君而無君者，有羨君而無君者。中國人之無君，則無其所無，非吾所謂無也。大較出於羨，出於妬者也。羨且妬而無君，則尤而效之，喪君有君矣。

歐西以民優國強，聞天下不爲民賊，國靈所困者自古來。政學家無君之論爲之也。希臘人以殺暴主爲義務，道德學中特立專條，伯羅都著運命論亦謂爲國除暴爲國民莫大之德義。戴穆麟手刃同胞之爲暴主者，語人曰：「吾誠不忍殘手足，然吾更不忍聽手足舉動，無度流毒天下。」嗚呼！若戴者，倫所謂大義滅親者，非耶？西方之人，大率類此而謀，刺黑必斯之雅里問額登，迄今猶以古墓殘碑，寒奸雄之膽，墮俠士之淚。

羅馬人之痛恨獨夫民賊，亦與希臘無殊。據伯羅都之說，加德年十四，卽有殺喧賴之志。希賽陸名法律家也，亦未聞以刺殺凱撒之舉爲非。嗚呼！凱撒雄才大畧名將也，明君也，置之中國三代後之明王聖主，當少其儔，而卒以假公濟私之故，被刺以終死之日，論者且謂之義舉，且謂之快事。羅馬當日之民情，亦大可見矣。

(1389)

西歐文物中世不如古，亦不如今，而爲國除暴之理想，則雖當中世，仍有希臘羅馬之遺風。殺暴君，殺助紂爲虐者，史不絕書。如奧白尼及諾曼臺之將官，被刺其尤著者也。匕首既貫，國仇之胸，俠士束手就縛，自訴有殺暴主之權，在市廳時，隔窓語稠，衆曰：「殺暴主國之利也。」衆亦同聲答之曰：「我曹亦有同心，彼少數人拘公於此者，妄耳。」謹當仗義救公，酬公爲國除暴之德。翌日，市民及諸都府委員之在巴里者，集會公議，果免其罪。

不爾，良公之使人殺安利嬰公也，醫士彼特爲之辯護，髮豎目裂，觸法廷之壁而言



四  
曰。死者神敵也。殺之神之利也。國仇也。殺之國之福也。民賊也。殺之民之幸也。以殺神敵。國仇民賊。爲罪吾不忍聞也。聞者皆泣。下不爾良公。免罪刺客弗來斯亦名噪一時。

至十六世紀。則無論爲神學者。爲新教徒。爲牧師。爲法律家。皆昌言民有殺暴主之權。日耳曼新教徒挨希利斯法律家也。所著「政學」中有「暴主當殺論」一章。佐治白加奈著「國王論」。以暴主儕之猛獸。謂人民當以待猛獸者待之。而白登所著共和國論中。有更精闢之論曰。暴主之凌壓國民也。始以兵馬之力。使之。一時折服。繼以君臣之義。使之。萬劫不復。此天下最可痛之事也。如此之民。屈於前。亟宜伸於後。以復大仇。雪大耻。彼所謂君臣之義者。特狂犬之吠耳。造物之生人也。圓其顙。方其趾。兩其耳目。手足此與彼未嘗殊也。殊矣。亦甚微也。以無數臣民供一夫之凌虐。而謂之義。此而義也。孰則非義。

宗教戰爭時代。新舊教徒。皆自號有殺暴主之權。克來孟熱心教務。以殺教敵亨利三世爲己任。人或疑其暴。則涕泣而告之曰。吾不忍見公等失信。教自由以出此也。

(1390)

濟則公等之福不濟則以死殉之。公等亦何疑焉。後果如所願。獲仇人之頭。雖君士但議會有訾議。其爲己甚者。而輿論所歸。神徒之號迄今未改。彫刻其像之吏員且懸公衆所贈之寶星以自榮。而人見之亦必曰。惟爾能肖克公之像。使公眉宇間殺賊之正氣。千載後凜凜猶生。嗚呼。西人無君而愛民。愛國之感情。豈東方人夢想所能及者乎。蟹斯得謀刺亨利四世。欲發而匕首見。捕者問曰。汝果何心。蟹答曰。余習聞誅獨夫爲正義。余亦勉爲正義而已。身後爲法吏所迫。引至神前懺悔。蟹反其意而禱曰。劍術未工。謀殺教敵而不獲。罪莫大焉。假我數年。誓當償此大願。以謝神明。嗚呼。一心殺敵。愍不畏死。若蟹者。亦刺客傳中有一無二之人物也。

舊約全書有獨夫民賊人人得而誅之之條。舊教首領之逞淫威者。最惡人引此以爲言。格衣慈公屢遇刺客。卒死於馬來諾之手。馬將寬公禱於神而求其助曰。除暴心誠欲罷不能。神能回余之心也。則已否。則願賜冥助。語載悲慈集中。千載下猶凜凜有神韻。

英國大革命時。政學家倡誅滅暴主之說者。尤更僕難盡。彌爾登其尤著者也。

(1391)

十九世紀誅滅暴主之說。益昌言無忌。俄羅斯雖以專制聞天下。其皇后加塞冷亦無君黨中之錚錚者。后破除私情。殺其夫君彼得三世。後宣言曰。彼國民之仇也。宗教之敵也。仇儼之情。吾寧敢忘。雖然吾愛吾夫。吾尤愛俄羅斯。爲私則害公。爲公則害私。世間當以余爲第一苦人矣。其言傳誦一時。迄今王俄國者。每一念及。猶轉展不安於牀第之間。

法國大革命時。約各伯黨主張殺暴主之權。愛彌爾倫黨亦如之。謀刺拿破侖時。兩黨所僱刺客。不知凡幾。黨人某有潘推者。旅寓倫敦。刊行報紙。送之本國。大書曰。暴主無生存之權。利殺之。庶不愧爲大法之民。見者無不稱快。而佐治加特亦以謀殺拿破侖有名。革命家人稱道其志。恨相見之晚。

播爾奔家復位之時。路易飛立之時。拿破侖三世之時。君主王族之生命。皆有朝不保暮之勢。被害者踵相接。路易飛立遇刺而幸免者。凡六次。渥梅爾拿彌爾二公既入虎口而幸脫者。亦各若干次。其尤慘而尤快者。則路易飛立之近臣多代路易飛立而死也。嗚呼。衆怒難犯。君王自作孽耳。而副車誤中。則累及無辜。此豈殺人者之

(1392)

過亦彼願爲奴隸者自取之也。

路易飛立之世。國民不平之聲。幾滿天下。新報新著。幾無一字不痛罵路易飛立。與夫助彼爲虐之徒。而雅里北德之作。尤以痛快名於著作界中。方其被逮至貴族法廷也。貴族謂之曰。君才良可欽佩。惜下筆太犀利耳。雅抗聲曰。我曹之恨汝輩。亦猶汝輩之恨我曹也。汝輩持有斧斤。直接以謀我。我曹賴有文墨。間接以報汝。方余握管狂掃。余直以斧鉞視之。欲其不犀利得乎。今始報汝。以筆容當報汝。以刀汝輩其勿畏犀利矣。貴族厲聲強答。齒格格不能成聲。

有專立無君之會。而養成實行無君主義之人者。西國自古有之。謀刺渥梅爾拿彌爾二公之克尼賽。即受會中公囑而往者。事敗被逮。人或問曰。君何遽萌此念。克對曰。此念之萌。亦良不易。余受如此之教育。蓋已久矣。而謀刺達爾梅之人。亦特立秘密協會。名「平等主義之力役者」。不徒憎惡王室。且波及代興之中流社會。其言曰。中流社會。在昔固藉口平權。以覆貴族也。千七百八十九年。自由既得。則驕奢淫佚。儼然第二之貴族矣。成例具在。昔彼等所以待貴族者。我曹安得不以之待彼等乎。

(1393)

天下最不通之議論莫如以無父比無君。尤莫如不問君自何來而概以父配之。謂他人父。謂他人母。而以爲孝。此惟無耻賤儒能出諸口。而敗夫走卒所耻聞也。富愛司寇有言。生當叔世。與爲奴隸而生。無寧犯天下之不韙而死。吾之無君。但行吾心之所安耳。世俗毀譽。非所聞也。而後之論者。或謂其厭世而出此。或謂其好名而出此。嗚呼。小人之不好成人之美如此哉。人孰不愛世。世而可厭。必有使之可厭者。殺暴君。正所以使世界日進於高明也。人孰不好名。名而可好。必有願與之名者。殺暴君。正以快天下之心也。人能快天下之心。雖不求名。名將自至。好男兒亦安能以私害公。使天下人心因我欲避好名之嫌。而長此不快乎。不事事。則謂爲畏事。敏於事。則又謂爲好名。吾試問世之好議論人者。爲人果當如何。

昔有爲暴主辯護而非難無君者曰。人有眞旨。終不當藉暗殺以表示。正理外決無暴力。國民不幸陷於虐主之手。脫之自有良法。劍戟非其物也。嗚呼。陳義豈不良。高然彼高拱九重之上。猛如虎。貪如狼。以一人所定之法律爲陷阱。以一人所發之學說爲干戈。生殺與奪。一手操之。誰復與爾講正理者。則不得已而以暴制暴。亦安得不謂之正理耶。君曰。以殺民爲事。而民無一寸鐵之報。天下事之可憐孰有甚於此。天下而有無君之人哉。吾望之久矣。



哲 理

讀斯賓塞社會平權論一

便宜主義

第一節

今有人問哲學士曰、請汝嚮導我。我等今彷徨於困難。急欲脫而不得。我等甚欣羨乎快樂。久欲企而不得。脫之企之。其方已百。然而終不能獲。終至於失敗。至於今。已厭倦。請汝語我。我人究以何法。何則。始能達我之希望。

之間也。其答無待乎躊躇也。曰。凡便宜者。皆正義也。宜以之爲法則。

問者曰。雖然。以神明之眼觀之。正義與便宜。果可互換之說也。以我人之眼觀之。則正義與便宜。果孰爲先而孰爲後也。此際實苦判斷者也。姑如汝言。以正義爲難知。以便宜爲易知。則汝說或可用。然而我人實有所不能首肯者。何也。我人於經驗。驗之。而此二者之均爲不易知。一也不然。毋寧以正義爲易知也。汝寧改汝口而曰。凡





正義者。皆便宜也。何如。

又有他之論者。容喙曰。當以於最多數之民。得最大幸福爲法則。

問者曰。是亦非法則也。亦一當解釋之問題也。汝所謂最大之幸福者。即我人久欲求之而未得者也。汝之所說者。非新奇之法案也。祇於我人之需要物上。附一名稱而已也。汝之所答者。非答詞也。祇於我人之疑問上。變其狀態而已也。嗚呼。汝若以是爲哲學。則汝之哲學。虛也。空也。疑問之返響也。

道義學者答之曰。請汝暫忍厭倦。我爲汝說最多數人得最大幸福之方法。汝聽問者大呼曰。汝亦誤認我人之所需者也。我人之所需者。非論說也。論說之外。尚有物也。若論說。則我人業已富之也。夫計公衆之福祉。而輒陷於失敗之途者。無一非基於論說也。汝之所謀。亦難不登於失敗之記錄也。今與汝判決者。問汝已發見誤謬之術否也。若否。則汝亦等於我人耳。汝雖確認其到達之目的。而其關於達之之道。則聽汝之說。而非我之所知也。且我人遲疑而不能信汝之所言者。亦非無故也。何也。曰。是非我人之所需於汝也。曰。是非汝示我人以獲所需物之確法也。曰。是

(1398)

二

廼措失敗而不問者也。曰。是廼行之者。自信其所行。而不問善惡舉而允許之者也。夫若彼之便宜也。實利也。公益也。最衆民之最大幸福也。由汝之主義而行之。決不足爲實務之方針也。祇使主治者自謂我之所處置。有益於社會。有利於邦家而已。或且昌言之而已。而其視大錯巨謬。則默而息也。其於我等。有何利歟。有何益歟。抑我等之欲求者。問有人爲某事。而其事之善否也。汝若能以一言而解。比凡百之問難。則吾謹謝汝。若其不能。則吾且他往。

於是哲學之士。廼爲自護之說曰。如斯期望。非理也。非所以成就學問之道也。由我之法。實足以處理凡百之實務也。是道也。實彼哲學家所早已指明者也。是實最良之道也。於是更揚言於世曰。我人所求之事。已咸盡於是也。若有誹譏我者。異端也。有駁擊我者。妄誕也。噫。甚矣哲學家之言也。請更進觀之。

譯者曰。我讀此節。我心怦怦。我若甚有所感。其曰。我人所需者。非論說也。論說之外。尚有物也。若論說。則我人業已富也。嗚呼。斯言也。有令我欲不寄同情而不可得也。何也。若以論說。論則我國近數年間。所經過之時代。亦已不少也。有變法之

(1399)

時代。有勤王之時代。有革命之時代。有暗殺之時代。有帝國主義之時代。有民族主義之時代。有帝國民族主義之時代。有爭宗教之時代。如以孔子紀年有爭種族之時代。如以黃帝紀年世界所有之進化。世界所有之文明。幾無不於我國一蹴之。此真所謂長足也。而惜乎其僅見於論說也。其於論說之外無一物也。

## 第二節

夫法則也。主義也。元素也。其所以貴者。在能明言之也。能以文字明言其意義也。(其他姑置勿論)故所用之文字。其解釋不可不亘古今通宇宙而無異義也。若有異義。則即不得謂之爲法。則爲主義。爲元素。而有真價值也。是故彼哲學之士。以最多數之人民。得最大幸福。爲社會道義之法。則而倡之者。且謂人之對於最大幸福者。其意義必皆同一也。

嗚呼。是心也。是廼最不幸之臆斷也。夫所謂幸福之基者。固千差萬異。而不一致者也。無論何時代。何邦域。何種族。苟就而察之。其解釋無有不相差異者。試觀流蕩之字。浮士族。厭居於家。而瑞士人。無家屋。則不安居。英人以進步爲不可缺之福祉。而

(1400)

惠斯幾毛族。安於貧困。而不抱不滿。其狀態無殊於在提志多時。愛蘭人喜行列。支那人好儀式。哈維人以鬥雞爲娛樂。猶太人之天國在富。百穀酒釀。黃金寶石之城。市土耳其人之天國在有。天女棲息之宮闕。美利堅人之天國在有。良好之獵場。能耳斯族人之極樂地。在日夕戰鬥而治愈傷痕。澳大利亞人之期望。在死後化爲白人。而得一日六錢之富。今試更就一個人以觀之法。帝路易第十六之解。大幸福。爲造鎖鑰之意義。欲使其後嗣讀之。而知造帝國利加我斯之所持論。身體之發達。爲人間福祉之主要。而普魯知耶之說。則以偏於嗜欲心靈之極。而終至以有己之身。爲耻。往昔希臘之諸先賢。以群爭。何幸。何福。互相矛盾。而至成一種之俗諺。今我所言。其抵牾捍格。亦無異於往昔。貧窶之惠耳。迂斯人。以蓄錢財爲一生有一無二之生涯。奏登(按書名)之著者。以慈惠。施以氏惠。與錢財以外。無可快樂之事業。愛田舍之閑靜。挾數帙之書冊。交一二朋友者。詩人之所嗜欲也。馳驅於宦海。交友於權貴。商賈與技術家。所趣各不同。耕夫與學者。所志各相異。是故欲概括此種々之事實。而爲一最大幸福之基。是廼必不可得之數也。不但於

(1401)

民族之間。有差誤。然也。如使往古之猶太人。至今日。而其嗣尚在。則其於同族。且有榮辱之殊。不但於一社交之間。有殊。特然也。如使以昔日。不知飢飽之學童。以視今日。輕坤輿之學者。於一人。且有今昔之感。故不特各代各國之人民。就幸福而其思想各殊。且恐抱同一之思想者。天下實無二人也。同已而恐前後相同者。亦無二時也。

且也。質之以理。是固無足異也。夫幸福者。滿足其體之所有。官能之謂也。官能之滿足。必自其作用而起。作用而失其度。則不能得快適。何則。不足之。則不能快。愉過度之。則來疲勞也。是以欲享有完全之幸福者。必使其所有之官能。咸應其發達之度。欲應其發達之度。必使其作用。徧及。如能使其作用。徧及。則受最大幸福之條目。始能備具。而最大幸福之基本。始得建立。然而。是說也。必無實行之日也。何則。蓋人之嗜欲。固各異也。甲以爲至樂。未必非乙所爲至不快也。故幸福之思念。不得不與人之性情。品行。而共變也。詳言之。實千變萬化。而靡有極也。然則人生果如何。而可乎。人生果如何。而始得爲完具人之作爲乎。世未有能得適

配感情之人。世未有能計嗜欲程度之人。則最大幸福之眞量。今終不能確定也。是以波洌。泌撒武之徒。所以終陷其議論於徒然也。此疑問也。無異乎斯紛克斯之謎語。世莫能解釋之也。嗚呼。世無歐傳普斯其人。其奈之何哉。

論者或曰。此等之駁難。妄誕也。於實際世人之解最大之幸福。皆同意也。此論也。我人駁擊之。固易也。且亦不必多爲駁擊也。祇擇其於實際疑問之一二。以見世論歸向之異趣而已。足折其心。而捫其口也。試舉其例。

組織最大之幸福者。必爲其心樂與體樂。然而此心樂與體樂。其併合之分量。當如何也。心靈之動作。及何點爲增福祉。過何點爲起禍患。此其點在何處。此疑問爲不可不解者也。而世之論者。有曰。體力之發達。自心靈之發達而生也。故心靈決無失於過度之虞。雖然。在被教化之社會之說。則又謂心靈之激昂。業已超過其程度矣。若使體育有適當之時。以供之。則其快樂。必不止如今日。然則欲以最大之幸福。爲人事之法。則者。不可不以此兩說之是非。判定之也。不可不於此官能利用與誤用之間。劃一綫以分界之也。此一事也。

又如我人所愛慕之福祉。其成之也。由此滿足之心以成之乎。抑由彼慾望之心以成之乎。是又一疑問而不可不解者也。世之人每曰。是乃由滿足之心而成者也。滿足者爲福祉之要物。而不可少者也。然而他之論者又曰。使我人而若無慾望。則我人今日必尙陷於野蠻之境。無疑也。慾望者獎勵世運之進步者也。人若無不滿足之心。則我社會自今日而退步可也。是二說者又不可不判定之也。如欲兩立之。又不可不爲之媾和之也。此又一事也。

有與最大之幸福。其文字之意義大同而小異者。即實利之說是也。人之解實利者。多限於充體欲之物。是故俚語有云。請助我以實釜之物。雖然亦有說者曰。心靈之發達。其結果必及於身體。是故天文學也。解剖學也。人種學也。論理學也。精神學也。皆不可不教授之者也。往昔羅馬之著述家。視美術如蛇蝎。至今日而詩詞繪畫彫刻等。都爲風化改良之裨益。皆舉而屬之於實利之旗下。有極偏之論者。且以爲音樂舞蹈演劇等。凡與遊戲可爲伍者。宜皆入之於實利之境域。此其說又何如也。

我人之解釋幸福者。將從專於現世得最大愉快之說歟。將從期望愉快於來世之

說歟。抑將以此二說而調和之結合之歟。如調和之結合之。則是二者調和結合之分際。又何如歟。此其說又何如也。

際今日唯貨是求之時代。我人當用何法以處世。將舉歲月與勤勉盡供營生之犧牲。歟。舉心靈爲體欲之奴隸。歟。舉畢世爲衣食蓄積之消磨。歟。抑將貪蟻蟻如蚯蚓。而一物不之備歟。是其說又何如也。

嗚呼。若此類者。其說固不勝枚舉也。枚舉之。其際固無涯也。是故如欲以最大之幸福而使人人之解說悉歸於同一。是必不可得之數也。且當今世人所爭。凡百之疑問。又不先確定此幸福之意義。而不可得也。

嗚呼。我人所航馭。以至此最大幸福之目的地。前之爲我人鄉導之案。鍼者。常約我人而常失望者也。由彼望遠鏡所示於我人之土地。皆景映而非真地也。我人所期望之港灣。尙埋沒於地平綫下而未之見也。我人故不得不從盲信以爲鄉導。嗚呼。不有羅針盤焉。能達彼岸哉。

譯者曰。我每見志士歎命不齊。我每見志士嗟失敗。我每見志士非議人。非議人。

## 第三節

嗚呼、最大之幸福。果終無日償哉。最大幸福之所見。果無人或相同哉。我心有所思。

夫如斯便宜主義之大綱。以其用語之意義不定。而取敗績是尙不足論。即使最大幸福之意義之性質之方向。我人之意見皆相一致。而尙不免有他之妄想。其妄想何也。曰便宜主義。能使人不依他力。以己力而得判定之方法也。夫天下萬事。其目的不確定者。則其達之方法亦必不確定。此固徵之經歷而可信者也。是故由組織最大幸福諸多之事項。以窺世人事業之成績。不見有一奏功者。其當初所屬望之圖謀。無不卒至於顛覆也。試再舉一二例。

(1406)

嘗於巴威里國。設限制婚姻之令。其令非兩家共有資產者。不得婚姻。然其家雖無資產。而官吏認其後日當舉子之時。能養育者。則不在此限。是令也。蓋禁遏濫婚而防止人口過殖者也。是其初意必以爲能增進公共之幸福無疑也。政治家亦多以之爲美舉而歎賞之也。世之人亦均以爲增進幸福所不可少也。雖然悲哉。悲哉。是等智巧之思想。其目的終不能達。而反來意外之變。試觀該國首府之暮尼克。其誕

十

生兒大半皆係私產。

又如我國政府（指英國）爲禁壓奴隸之賣買。而於亞非利加之沿岸。設武備。問其志則可賞。尋其理則亦甚有力。此其事咸爲最大幸福所不可少。而其賣買必因之而即滅絕。其歲費七十萬磅。其所備之軍艦四十艘。其功績必及於全部。而無或失誤。然而及其後而問其績。則實有不可解者。非奴隸賣買之主。此論不啻爲奴隸賣買者長氣。焰且不第爲賣買者長氣。焰已也。又因以生意外可恐之結果。其可恐之結果何也。賣買奴隸者。爲苦於禁令之嚴。而造僅距一尺之甲板。以充滿奴隸。使之罹困苦之疾病。而十死其三。六不特此也。又彼賣買奴隸者。爲禁令所迫。不得已而舉所載之黑奴五百。盡投之於海。此固禁止賣買者夢想所不及者也。又不特此也。封鎖海港。致彼輩失望之極。而遂於船長之前。手刃其所携男女二百。揭其頭顱於竿頭。以立之於沿岸。此又彼禁止賣買者夢想所不及者也。嗚呼。使當初唱非奴隸賣買論者。而躬自目睹其慘毒。則恐彼亦必頓首焚香而懇求此賣買禁止之制度之廢棄也。

(1407)





順序。則最初爲制定。次而實驗。次而失敗。次而修正。次而再敗。又次而更數次增減。修理。最後而廢棄舊法。廢棄而於是所謂新法者出。而問其經歷。則亦無殊於舊法。而終至於廢棄。

嗚呼。是便宜主義之充滿於此世界。而不自知者也。彼世人之據此法制。而企得其愛慕之最大幸福。而其常失望者。固無足怪也。何也。彼蓋未信政治家之所判斷也。彼蓋未求一指示之針也。彼蓋未精選其主義也。彼蓋甚固執也。夫政府者。有觀察邦國之現象。計人民之需要。以求便宜之資格者也。而彼則以爲人事學固甚易易也。社會之組織固甚簡單也。人事之源因固甚明瞭也。祇以通常之經驗。以之制法律而已足也。彼唯以人類之智力。察社會之現象。察公私之品行。察宗教之結果。察習慣之結果。察迷妄之結果。察偏見之結果。察人心。察來事。以立算。以支配社會之原理。而即奉之爲準繩。即以之進。而最大之幸福。嗚呼。是何妄想之甚也。是何妄想之甚也。

夫牛董理學之大家也。然而使牛董而若不先究地之性。而即追思宇宙運行之理。

以望遠鏡測天體之大小距離。以及運行之時刻。樞軸之傾斜。軌道之形狀變動。雖消靡時日。以窮推極。索而欲以定日月星辰平衡之大法。恐終不能奏其功也。夫然而欲於至紛極雜之社會。以發明國政之原理。是無異於牛董之舍地性而測天運也。其致法制之無不敗。固無足怪。苟有不敗。則反甚可怪也。何也。蓋其數固有必不可得者也。夫社會者。由人聚合而成者也。故知人知社會之第一步也。今以未能知人之今日。而欲分錯雜之社會。以發國家生生之真理。以建法制。以企得最大之幸福。是蓋非有限人智之所能及也。

譯者曰。天下之謀事者。固非易易也。以如此縝密。如此勤勉之計劃。而難猶若此。損失猶若此。而欲以咨咄立就。而欲以定紛擾更甚於彼社會之社會。苟有一蹶。即尤天尤人。尤氣數。尤命運。或且盡變初節。反顏相抗。嗚呼。何其見之狹而短也。

#### 第四節

然而以上所駁擊。尙未足以殫便宜主義而使之斃也。今猶有關於便宜主義之命脈之駁擊。在其駁擊非他。即便便宜主義之視政府爲永世不滅者是也。夫以政府爲

永世不滅。甚誤也。政府者。表文明階段之旗標也。隨人類發達之度而變遷者也。只一時之偶遇。而非萬世所必須者也。夫佛之免族（亞非利加洲之一族）之未建設政府社會。恰今後政府既滅之邦國之社會也。試觀今時之政府。比之往日。其威權之失墮。果何如也。在昔所稱爲一國之歷史者。不外政府之歷史也。今則不然。在昔壓制之流行於宇內也。當時但知制度之必要。如封建。如奴隸。徒爲虐政之器具。以殘忍苦民俗。至酷極烈。而不可避。然至世運進。而其歸向。無一不縮小其政府。所謂立憲政體也。所謂自由政體也。所謂民主政體也。皆不外此義也。在昔當未開明之日。爲政府之所占領者。至今日而多爲社會之所有矣。官府日退縮。人民日張進。主僕已迭其位。朝野已變其局。若至其極。在野之力。終必不認其君主。非米穀條例黨之奏凱歌。斃舊政府而起新社會之徽標也。制法者。考察家之奴隸也。官吏者。日夜減削其尊榮者也。泰姆斯新聞曾有言曰。圍繞我人之世變。無一不足以證明當服從國會之正理也。又曰。我文運之進步。決非爲議案之讀會。條例之通過。國家之政治等也。爲民生之營業。學業之晉進。化造之工作。非政之原因也。唯然而文明愈增。

(1412)

(1413)

進。政府愈枯落。此必然之勢也。政府者。惡逆之民之所必需。而善良之人之所無用也。故政府者。加輓於惡民之所作爲者也。政府與惡民。常共爲消長者也。政府之尙未絕。變風尙未滅之明證也。法律之與奸曲。猶如猛獸之於籠柵也。抑制者。爲殘忍狂暴而爲。非爲溫良仁慈而爲者也。外力之不可少者。包藏患害。未絕之義也。固圍爲兇漢緊柵。爲狂人拐杖。爲跛者支柱。爲軟弱者爲。幼弱而後有師。傳爲白痴而後有保護。若身心完備之人。則固無需夫此也。夫盜賊絕跡。而牢獄廢。戰爭戢於宇內。而軍備亡。邪奸不一見。而狀師法官陪審之士。法制禁約之令。一切不成立。是故官力者。民惡之助也。警官者。爲犯罪而有作爲也。政府者。世界之災害物也。夫然而道便宜之士。探此假具之政府。以爲基礎。擇國會之所決議。以爲材料。備政治家以爲工匠。以建設此樓閣之社會。宜乎其百施而百不當也。夫道便宜主義者。延政府而入於已之社中者也。延之社中。而委之以社務之總管。任之以裁決萬事約言之。彼便宜主義者。實仰政府以爲其精神命脈者也。曷以證其然也。彼例嘗有言矣。曰。全社會之利益。於各部有擔負之義務。是隱含著裁決全社會之權利。存於

主權者之意也。又曰：凡爲國利者，當舍人民之私意。又曰：此利益之證據，有立法府在此，皆援附政府之說也。撒武亦有言矣。曰：組織社會之社員，其幸福之愉快之安，全皆立法官所當注視之目的物也。又曰：爲社員者，關於立法之事，宜隨其準繩以鑄治其行爲。嗚呼！爲此言者，皆非自其心意所出，而爲迫於前之約言而出者也。苟如其言，則便宜云者，非爲一人之利益言，爲公衆之利益言也。非爲當時之利益言，爲後來之利益言也。此利益之前進，以何者爲最可預想而得判決之者也？雖然論者試思之：今日之世論，固千殊萬別而不一者也。所謂實利，彼與此固孰從也？彼保護稅也，國立宗教也，死刑也，關於救貧法之計劃也，世上之所匱乏者，甲以爲可增幸福者，乙以爲釀禍害，千變萬化而欲待其說之歸一，是終無其期也。且也，如不賴政府之力，而各人萬執其所謂達最衆民最大之幸福者而實施之，則社會必至於忽紊亂，故彼實際之格言家，必以此權力爲政府之所永續者，亦在所不得已也。此權力之不消滅，彼道義學者之所以永不活動也。

夫道義學者，不問至善與至惡，不論極野蠻與極文明，皆爲適於人類主宰人類之

正法而不可廢者也。若其不然，則所謂道義者，必僞而非真也。然則政府者，根於人生不具之制度者也。養長於禍罪之制度者也。使坤輿人類而悉皆無私溫良而仁慈，則即可滅絕者也。要之政府者，決非與最上之文明得兩立者也。然則依政府爲城堡之道義學者，焉得視爲真正之道義學哉。

譯者曰：孟子有言：人人親其親，長其長，而天下平。夫親也，長也，人事中之二事也。安得人爲之，而即謂天下平也？我從而廣其義曰：人人人其人，而天下平。夫人恐不能自人，其爲人而迺望之於與我同類，不能自人，其人之人以人我。此即立政府以受治之謂也。是蓋愚之極也。雖然，此尙謂文明諸國之戴其文明政府之言也。

## 第五節

是故我人之評便宜主義也。其一則以便宜主義，非人事之綱領也。但爲當解釋之問題，而非備具學問之資格也。其二則以即視便宜主義爲人事之綱領，而其用語之意義不確定，亦未爲可也。其三則以便宜主義，即於他無缺點，而於實行則少全

智全能之功用。而尚無用也。其四則即以其他之駁難。悉置諸不問。而以此不完具之物爲基礎。則雖欲不拒斥之而不可得也。

譯者曰。便宜主義者。孟子所謂利是也。其後道德感情主義者。孟子所謂仁義是也。亦曰仁義而已矣。何必曰利。便宜主義之說。固爲東西儒者所不取也。

然而某譯之者何也。東人之不取便宜也。視便宜如荆棘也。西人之不取便利也。以爲便宜之說。人各不同。而終無能至之日也。是故西人今日之弊。實行便宜主義之餘弊也。東人今日之弊。視便宜如荆棘之餘弊也。視便宜主義如荆棘。故反視不便宜主義爲珍寶。視不便宜主義如珍寶。故日以退。日以弱。日以卑。屈日以奴爲隸。此我國今日未談新說者之現象也。知不便宜之不可。而群趨於便宜。競挾方施術。施權謀。以烈生存競爭之活劇。而或歠於小得。或退於一挫。紛紛擾擾。群咎新法之不可用。此又今日與後日喜談新說者之現象也。是二者皆足以阻我國民之進步。而墮我國民之銳志者也。此其一。

且也。東人之視便宜主義。如荆棘。其於名義也則然。其於實際則亦視便宜如珍

寶者也不然。何各自私其生命。身家財產。逾西人也。以名義所不可爲。故稍顧名義者。尚憚顯然爲之。西人之談便宜主義也。蓋欲使衆人皆便宜。而非僅便宜一己也。欲計後日亦便宜。而非僅便宜一時也。其所以不取者。以其迂遠而難至也。非於其義有大害也。然而今之聞新說。而見西人之行便宜者。則并是二者之短而行之矣。行東人便宜一己之實際。張西人重視便宜主義之名號。毋忌毋憚。以直情逕行。取其利。我一己之私慾。而反得竊通時事。知新學之美名。笑人之不如此者。爲迂儒。爲曲士。此蓋以我國固有之惡德。爲不足以亡其類。而又加之厲也。此其二。

嗚呼。所謂便宜主義者。固非便宜一己。便宜一時之謂也。非便宜一己。便宜一時之便宜主義。尚不得爲萬全主義也。我國之不知便宜主義者何如。我國之自謂知便宜主義者又何如。



歷史

臺灣三百年史（續前期）

亞 盧

權利思想愈沖而愈淡。壓制程度愈漲而愈高。臺灣百餘年間。喋血蓋三次矣。而林氏之亡。福康安以異種主兵。蹂躪尤烈。某說部載其事。謂「臺陽千餘里白骨枕于道途」。嗚呼。十日之屠。何必維揚。萬家之戰。何必嘉定。此亦野蠻異族之普通手段耳。而慷慨悲憤之士。輟耕倚嘯之徒。必尤爲彼等所欲得。而甘心摧折。槩無復子遺。鬼哭。飛潮聲。嗚咽其僅而存者。則戰伐之民。習于奴性。子又生。孫孫又生子。方數典忘祖。心醉于太平之淫樂。夫誰與話鄭成功之遺事。而痛哭于芸芸種族之沉淪者乎。自是以後。低首下心。俯服東胡小醜之袴下。幾及百年。雖洪楊起義。天下雲擾。中原豪傑發憤興起。而此排滿之出產地。竟默默無所表見。睡獅其不醒矣。乃未幾而東海風潮又大起。

歐洲十九世紀民族主義之舞臺。一躍忽移于亞洲。洪濤東簸。掠太平洋而來。日本



乃首受其影響。四千三百五十年以降。(黃帝紀元)正三島鼎沸之時。覆幕府。爭民權。西鄉南洲拚頭顱以樹尊王之幟。中江篤介糜腦力以播革命之種。風起雲湧。幾三十年而始定。則膨脹于國外。四千三百八十五年。以朝鮮東學黨之亂。與滿清大衝突。演戰劇于海上。于是威震中原。赫赫炎炎炙手可熱。飛鳥不落。自殘同種。以保一姓之中興功臣李鴻章。屢戰屢北。日本陷遼東半島。以重兵壓燕京。風聲鶴唳。岌岌不可終日。滿洲政府中數百千顆蠕動之頭。上自那拉氏。下及內務府之三等奴才。莫不延頸以待倭刀之一割。日暮途窮。倒行逆施。而我臺灣同胞。乃再淪于悲慘之境。咄咄。汝異族。我黃帝子孫。何負于汝。而出其殺人如草。以暴易暴。以血洗血之殘忍手段。虔劉我同胞之英俊。一摘再摘。使國魂盡銷。兵魂盡喪。瘡痍餘民。宛轉哀號于奴隸之窟。沉沉黑獄。不見天日。以爲賞心行樂事。及犬羊命運日近末路。一建國舊碑。胡月暗興。王故地。虜風寒。猶不知返彼沙漠。還我河山。一旦第二異族突然闖入。則且守其寧。贈友邦。勿與家奴之神聖。不可侵犯。格言。不惜舉百年來恭順奴隸膏腴私產。自大清國皇帝覺羅載湉之手。中再拜稽首。獻于大日本天皇。睦仁陛下。

以爲頤和國之保險費。八旗宗室之贖命金。哀哉我同胞!! 哀哉我同胞!! 爆裂一聲。驚醒我臺灣同胞。百餘年奴界之妖夢。熨眼起視。則富士山頭之危石。沉沉下墜。將大施壓力于孤島中。而三百年前排異種之遺傳性。忽一發而不可復抑。愛國志士。相與創獨立軍。以自立佈告海內外。聲明不受日本羈絆。亦不復臣屬滿洲。定臺灣爲共和國。舉總統。議戰守。頗虎虎有生氣。顧日本以累勝之威。長驅直搗。勢不能敵。且有漢奸爲之內應。而伯里璽。天德。唐景崧。參謀。俞明振。輩皆滿清奴隸。其才略非唯不敢望鄭成功一足趾。且遠出朱一貴。林文爽下。其滿洲政府所遣援臺之湘軍。淮軍。不肯與日人戰。徒相哄于內。獨立軍血戰數日。兵敗城陷。唐俞相繼遁歸臺灣。共和國不及十日。全歸淪陷。自是以後。臺人不甘日本壓制者。屢起。屢仆。迄無一成。最後有簡大獅。頗勇悍。善與日人抗。有朱林風。軍敗走福。建。滿清官吏執而歸之。流血于臺灣。而自立種子絕矣。『蹙蹙臥榻。鼾睡已屬他人。沉沉昆明。妖灰未蘇。前劫』此雙料奴隸之臺灣。同胞遂爲今日博覽會之陳設。品人類館之參攷物。

淚乾矣。心碎矣。筆秃矣。墨枯矣。歎無聲矣。我述此淒涼哀怨慷慨激昂之歷史既終。復告我臺灣同胞曰。諸君諸君。西哲有言。『不自由無寧死』。諸君其聞之耶。諸君今日其自由耶。其不自由耶。愛爾蘭之合併于英也。幾三百年矣。其自由權利亦稍稍與英人相等。然愛爾蘭終以人種問題及劫奪之怨。不願居其宇下。愛人之心。憤憤不能一日忘。英人之心。亦惴惴不能一日安。我向者既言之矣。臺灣雖小。豈下愛爾蘭。奈何。一辱于滿洲。再辱于日本。令地球人種學家謂中國人無愛國心也。諸君今日其能以赤血黑鐵光復此祖宗相傳完全無缺之金甌乎。不然則奮身一躍。蹈東海而死。使臺灣之種無復遺育。留義俠之名于世間。當猶愈于仙仙。睨睨長爲人奴隸也。我臺灣同胞聽者。

我復告我十八行省同胞曰。諸君諸君。其無以臺灣前事爲對岸觀火而不一動于心也。諸君之奴隸于滿洲人種也。與臺灣同胞同。諸君之不能長奴隸于滿洲人種而將爲第二異族之三重奴隸也。亦與臺灣同胞同。所稍異者。條約之未有明文耳。雖然彼索虜有何人心。使一旦出片紙以十八行省盡獻諸歐西列強之座下。彼碧

(1422)

眼紫髯兒手執中國地圖而一一撕破之。此時之諸君又何以異于今日之臺灣同胞乎。又何以自免于博覽會之陳列。品人類館之參攷。物乎諸君不可不深長思也。諸君亦知臺灣獨立軍之所由敗乎。其原因蓋在不能早爲徒薪曲突之謀。驅滿洲以自立。而僅僅焦頭爛額以抵抗日本人也。夫列強今日雖隱佔勢力範圍。固然瓜分之局未及實行。則聯雖俱棲。猶互相牽制。而其愛惜眷顧之心。或少遜于他日諸君能投袂興起宣布民族獨立之大義。雖無望於法蘭西之援。美利堅英吉利之助。希臘而今日列國對于馬基頓不加干涉之態度。或猶可希冀也。廣西獨立軍起事年餘。法人猶逡巡却步不敢一逞。使臺灣于未割以前拒滿洲而昌言革命。日人或未必助滿而抑臺乎。而臺人味味焉臨渴掘井亡羊補牢。此舉之所以中道崩頽也。嗚呼。往事已矣。前車覆後車戒。諸君及此不圖在再在再蹉跎蹉跎世界風潮日急。一日將再淪于臺灣同胞之舊地。欲求今日而不可得矣。我言及此。我魂將狂顛乎。時乎時乎。不再來我十八行省同胞聽者。

(完)

(1423)

(1424)



# 實業

## 商業發達論(續前期)

太 孟

### 第二節 印度洋及大西洋之商業

當十五世紀時。世界之交通一變。商業之中心。遂移於歐洲之西岸。而葡萄牙有回航非洲之偉業。西班牙有發見美洲之大功。則印度洋之商業。依葡萄牙而勃興。大西洋之商業。依西班牙而煥發。非過言也。然星霜幾閱。英荷兩國勃然而興。葡西之業頓成陳迹。是後數百年間之事實。爲西力東漸之活劇。今逐條詳述。以資鑒焉。

(一) 葡萄牙 立國於西歐之一角。夙勵航海之術。當時東西貿易之陸路。爲回教徒所阻。乃改良羅盤針。搜求海路。遂發見喜望峰。十六世紀之初業。葡國占有東洋之海岸。以印度之古亞港爲根據地。進而與中國日本貿易。更從事殖民於南美。意大里自由都府及回教徒所掌握之貿易霸權。一旦皆入於葡人之手。而地中海商業之衰運。遂自茲始。

(1425)

考葡萄牙之商業政策。不顧國家全體之利害。而惟王室是謀。其目的僅在商業的殖民。吸取當前之微利。而無政治軍事之觀念。故殖民地半爲英荷諸國所掠取。而其本部亦卒爲西班牙王飛律賓二世所併有。

(二) 西班牙 西班牙於十五世紀。哥倫布發見西印度諸島。復發見美洲。是爲探索世界新地之時代也。其後一變而爲征伐之時代。再變而爲殖民之時代。執牛耳於其間者。惟西班牙然。其缺點所在。則於新領地止以採金銀爲唯一之目的。無鑛之地。雖肥不取焉。故金銀充積於國中。而人民之奢風。斯起。諸國商人因齎異材珍寶。蠅集於端比耳港。以爲吸收其金銀之計。及其既也。國民務在貯蓄金銀。不開殖產興業之途。外國貿易。不能發達。卒陷於衰亡焉。

其殖民政畧。(一)不許各殖民地自由開港。(二)禁止歐洲之貨物。使不得輸入。(三)殖民地之總督。於商社無重大之特權。(四)禁制殖民地與外國或他殖民地之交通。僅以殖民地爲政治上經濟上從屬之關係。而以本國爲唯一之市場。由本國輸送貨物於殖民地。皆用王室之商船。其價值分量。亦皆政府所定。使殖民地之人

民。有不得不賤賣自有之物。而買昂大之本國品之勢。政畧之無法既如此。而復賄賂公行。弊端百出。後與英構兵。大敗。國勢寢衰。殖民叛亂。僅得保有西印度諸島而已。

(三) 荷蘭 荷蘭之地理。適於船港。便於貨物之集散。由璦威、瑞典輸入材木而造船。國民長於航海之術。船數極盛之時。達於七萬艘以上。與亨才同盟都府競爭。掌北海及波羅的海之航海權。內興漁牧紡績之業。外與西葡兩國通商。收買東西貨物而販之於北方。更進航東洋。以瓜哇、蘇門德臘爲根據地。與中國日本交易。永握東洋之商權。復航美洲。開殖民地。出沒於領地而密行貿易焉。

荷蘭之壓倒西葡之商業也。乘兩國之虛。而行獨占之商業政策。至十七世紀之初各地重大之商會。復於東洋殖民地。合設荷蘭東印度商會。而此商會者。有與東洋諸國和戰之特權。築城壘。置戍兵。以及任免行政官裁判官之事。皆歸其掌握。此商會之利益莫大。其商權亦殆無比。

至十八世紀百年之間。前後與法蘭西交兵。英法諸國依保護政策而獎勵產業。

航海發達。美利堅獨立。而荷蘭遂衰。

(四) 法蘭西 法國之殖民貿易政策。雖不如西、葡諸國。然其進航於東印度及美非兩洲之地。實先於英。在十七世紀時。貴族專橫。而農業不能振稅。歛煩苛。而工業不盛。關稅制限。而商業有阻礙。自沙里古培羅兩相出。盡力於經畧產業。而殖民工商諸事業。乃漸次發達焉。

其後法國商人。合同而立非洲商會。與非洲貿易。更立東印度商會。以經畧其南部。功垂成。而英國之東印度商會起。而與之衝突。卒為所破。而領地失其半。

(五) 英吉利 十六世紀英國之海外貿易。尚未繁盛。蓋當時荷蘭跋扈於海上。英人無以制之。至十七世紀之中葉。克林威爾發行航海條例。其要旨『凡歐洲所產出。或由製造所直接輸入之貨物外。美、非、亞各洲之貨物。輸送於英國者。必用英國商船。而其船舶皆為人民所有。船長必英人。船中役人亦至少四分之一為英人。歐洲之貨物。輸入英國者。非用英船。即貨物所自出國之船。犯者沒收其資本。』自是以往。英人奪荷蘭之商權。農工發達。立英荷銀行。整理財政。制定郵政。

(1428)

而交通機關。乃漸次設備焉。

其東洋之殖民政策。設立東印度商會。以專其利。復於北美之東海岸。開佛其尼殖民地。進航美洲之北部及西印度。日事擴張。然其殖民政策。以本國之利益為主。故殖民地需用之物。皆英產。且必以英船搭載之。而殖民地之物產。如皮木礦物以及棉花煙草各種食品。必先輸入英國。以其所餘。及於他國。各地殖民有因此蠢動之勢。經濟上之壓制。亦云甚矣。且歐洲七年戰爭之費。徵之於美洲殖民。發布印花稅條例。以招其憤激。課稅益嚴。反抗益烈。卒召獨立之戰爭。頓失美洲一大殖民地。因之而大西洋之商業。美國亦占其一部焉。

(六) 美利堅 自千七百八十三年脫英國之羈絆。建設獨立國以來。保護商工而助長之。以定國是。迄於今日。農工商發達無比。沃野千里。有大河縱橫於其間。以天然之充實。而富於原料原動力。紐約為世界商市之中心。不亞於倫敦。而雪加古市為內國商業之中心。其於太平洋。則有桑港為東洋貿易之衝要。其內國鐵道縱橫。交通便利。大西洋沿岸中央以北。東部之人民。經營工商礦業。南部則從事

於農作。棉花烟糖之類。所產甚多。其中央則爲米希卑大河之流域。農產頗豐。年歲之豐歉。有足以左右世界商市之勢。又於美雪根湖畔採鑛營商。東部甚富。而其西部。不特富於金銀。耕畜亦盛。是乃天然之形勝。國之富強。其在斯乎。

### 第三節 太平洋及萬國之商業附結論

太平洋四周之國。我中國及日本朝鮮以外。爲美國及澳洲。然北美發達以前。太平洋之商業。缺而不全。止限於東洋之區域耳。我中國與日本朝鮮之交通。雖遠自上古。然發達甚遲。自北美勃興。而使半面貿易之形勢。一變而爲太平洋全面之商業。萬國之交通。日異月新。蓋太平洋東自南北美洲之海岸。南及澳洲南洋諸島。西沿西伯利亞東部及中國日本朝鮮。或與世界中人口最繁盛之國相接。或與人口最少之地毗連。其範圍所及。包括最富最貧之國。物產之種類。各異。技術工藝。亦不同。實具貿易發達之要素者也。然其沿岸之人種。疏於商業。進步甚遲。而西班牙葡萄牙荷蘭諸國。進而開通商之道。至十九世紀。英人始征伐印度。建新加坡市。而進我中國沿海地。輸入鴉片於廣東。交易生絲陶器。遂起衝突而召戰爭。我國卒以敗北。

而結南京條約。日本朝鮮亦相繼開港。而太平洋實爲萬國所輻輳焉。  
蘇彝士運河開通。則地中海印度洋及太平洋連結。巴拉馬運河開通。則大西洋太平洋聯絡。西伯利亞之鐵道成。則歐亞之商市得以直接交通。故太平洋實爲將來商業之中心點也。

歐美諸國於太平洋之勢力最重大者。英美俄法德是也。東洋諸國。則爲中國日本印度朝鮮。而太平洋岸之各港。爲貨物集散之要衝。商業上最足注目者。於北美則爲桑港。晚香坡。於我國則爲上海香港。於西伯利亞則爲海參崴。於日本則爲橫濱神戶。而新加坡及澳洲之希德尼。亦爲太平洋之要港也。然時勢之遷移。莫究其窮。商業之方針。因之而變。西力東漸。滔滔無已。嗟我黃人。正立此風波險惡之中。漂流簸蕩。而不知何所底止也。

我展覽東亞商業之輿圖。鐵道縱橫交通之機關。非不日臻。於便捷工商之勢力。異日非不足以左右全球。然而若者爲某國承辦之線。若者爲某國開工之線。若者爲某國要求之線。若者爲某國預定之線。以莫能與京之廣土膏腴盡爲白人之範圍。



黃人無揮足之地而我中國人更無立錫之土則異日商業之發達非特無益且滋患耳而我更觀我國之所謂豪商大賈者目光之短所見不出百里之外知微利而不知大勢知一己而不知國家有買辦之才而無主人之資格故有大利當前心羨之而不敢投資悉聽外人之經畧甚或拱手而讓之外人而已分其萬一之餘利者夫今日之世界實爲經濟競爭最劇烈之世界如是而欲保其國其可得乎當西力之東也日本與我國同受其感動影響而彼則因之而日事改良一躍而爲世界之強國我則因之而日就孱弱國幾不成其外界之受刺同而其結果何有天淵之隔乎道在利用之而已我同胞其審聽之



俄國軍隊一班(續前期)

## 第二 俄軍之服裝

至野戰砲兵如左之服裝。

▲上衣濃綠色。

▲襟 同上

▲袖 同上

但有赤色之突出部。在近衛附區條。

▲窄袴同上

▲帽蓋同上有帽章

▲帽之鉢卷亦同上。但有中隊號數與赤色之突出部。

▲肩章赤色。有中隊號數。但近衛無號數。

野戰砲兵之服裝。大概與撤兵服裝同。其所異之點。惟肩章與緣之赤色。

擲彈砲兵旅團(駐屯莫斯科屬擲彈兵軍團)肩章之上。註有旅團號數T。(俄國文字爲G)

豫備砲兵旅團肩章之上。註旅團號數P。(俄國文字爲R)

撤兵旅團之砲兵中隊肩章之上。註撤兵旅團之號數及CO。(俄國文字爲S)

曰砲聯隊之服裝。與野戰砲兵同。惟肩章之上。註有聯隊號數MP。(俄國文字爲MR)

屬騎兵師團之乘馬砲兵中隊肩章與帽之鉢卷。註中隊號數。屬騎兵師團之哥薩

克乘馬砲兵中隊。着濃綠色之上衣與窄袴。而

哥薩克騎兵之窄袴。有雜色廣線條德音。哥薩

克兵則赤色德音。哥薩克砲兵中隊肩章之上


註有II。(俄國文字爲D)

試總括以上所記。則全砲兵之服裝。悉濃綠色。

唯肩章與突出部有赤色。哥薩克砲兵中隊之

窄袴。有赤色廣線條。乘馬砲兵之窄袴。有灰藍

帽部之鉢卷濃綠色有赤突出  
肩章悉赤色



騎砲兵第七中隊  
德音哥薩克砲兵中隊  
白砲第一聯隊之第四中隊  
撤兵第四旅團之第一中隊  
擲彈砲兵第一旅團之第二中隊  
砲兵第二旅團之第六中隊

色。

俄國工兵之服裝。雖與野戰砲兵同。裝具之金屬等悉白色。(砲兵黃色)肩章與帽之鉢卷。有大隊之號數。在後方之文字有IC。(即撤兵第一大隊之意)

試列其袖章及他之徽章。

▲上等兵肩章之上。有白色或黃色之橫線一條。

▲新參下士肩章之上。有白色或黃色之橫線二條。襟及袖有金色區條。

▲古參下士肩章之上。有白色或黃色之橫線三條。襟及袖有金色區條。

▲曹長肩章之上。橫金色區條襟。袖亦有金色區條。

▲再服役者左袖之上。有銀色或金色徽章。但銳角向下方。


▲旗手左袖之上。有銀色或金色徽章。銳角向上方。

▲志願兵肩章。以黑色橙色白色之紐包圍之。

▲良好之狙擊兵。右胸之側。(上衣及外套)交叉橫小銃二箇之小鈕。

▲騎兵之良好斥候。右胸之側。有兩腳器之小鈕。

第三 俄軍之行軍勤務  
 俄軍之行軍序列步兵大概有分隊縱隊。步兵一聯隊行軍縱隊之長徑有千二百米突。(或譯邁當)



▲三星……………(少將)  
 ▲三星……………(中將)  
 ▲無星……………(步兵騎兵大將)


▲步兵一旅團行軍縱隊之長徑二基羅米突半(一千米突爲一基羅米突)  
 ▲步兵一師團行軍縱隊之長徑五基羅米突餘  
 ▲騎兵聯隊三騎縱隊……………一基羅米突餘  
 ▲六騎縱隊……………七百米突  
 ▲騎兵師團三騎縱隊……………四基羅米突餘  
 ▲六騎縱隊……………三基羅米突

軍事 俄國軍隊一班

▲獵兵隊之兵卒上衣與外套之袖。有濃綠色之線。


俄國將校之劍。塗黑色革條。掛於肩。佐官與近衛將校之革條。有銀色或金色區條。將校肩章與兵卒同色。其上有銀色或金色區條。尉官則區條之間。有絨製縱線一箇。佐官有二箇。將官無焉。而所藉以分各階級者。一依肩章上之星數。

團師三第兵步  
(色赤)團旅一第



▲三星……………(中佐)  
 ▲無星……………(大佐)

團師七第兵步  
(色青)團旅二第



▲二星……………(少尉)  
 ▲三星……………(中尉)  
 ▲四星……………(參謀大尉)  
 ▲無星……………(大尉)

▲砲兵 砲車縱隊……………輕砲兵並全彈藥車三百五十米突

▲重砲兵並全彈藥車四百二十米突

俄軍之行軍警戒與日本軍殆無所異。前衛出前兵。前兵出前哨。其餘前衛出側衛隊。(步兵一乃至四中隊 又騎兵半乃至二中隊)全斥候與敵最接近之處。

#### 第四 俄國之前哨規定

步兵及騎兵之哨兵。平常由四名而成。其中一名云小哨窺探敵軍。其餘兵卒爲小哨之交代。坐臥休息於其後。內有一名爲中間哨。時監視小哨。

查哨及其餘緊要哨兵。由五名至八名而成。

俄軍哨兵之距離。步兵八十乃至二百米突。騎兵二百乃至三百五十米突。


小哨在哨兵之後。步兵有半基羅米突。騎兵一基羅米突之距離。各中隊中配置二個之小哨。

在小哨之後爲前哨中隊。謂之衛兵本部。

俄軍之前哨勤務。必日授問答之號。答號用神名。如撒邁恩(Simeon)之類。問號用

武器。名如撒亞撒爾(Sabot)之類。

與敵前哨甚接近之際。尙配置潛行斥候。於哨兵線之前方。由三名或五名而成。夜間隱伏哨兵線前。三四百步之處。此哨兵有至難之任務。特使用獵兵隊之兵卒一聯隊之獵兵隊乃由各中隊兵卒之中受斥候勤務教育之四名而成。



## 第五 俄軍之斥候動作

斥候分左之二種。

▲警戒斥候。

▲飛行斥候。

警戒斥候。於行進及休憩戰鬪中。爲各種斥候。

飛行斥候。指揮官集必要之事所派遣各種部隊。

此二種斥候之區別如左。

▲警戒斥候者。限軍隊之必要警戒。由其軍隊派遣。

▲飛行斥候者。無軍隊之連繫。派遣偵察於遠地。

故警戒斥候之任務如左。

▲各哨兵間及各前哨部隊間地形之偵察。

▲監視哨兵。

▲直接在哨兵前地形之監視及偵察。

▲行進軍隊之直接警戒。

▲戰鬪中兩側及背後之監視。

飛行斥候之任務如左。

▲敵及敵地之偵探。

▲防碍我軍隊我警戒情形之漏洩。

▲捕敵軍之斥候。

▲騷擾敵之前哨。

警戒斥候之兵力。步兵多至一分隊。騎兵多至二分隊。飛行斥候之兵力。騎兵一分隊至二中隊。

## 第六 俄軍之宿營警戒

舍營正面之前百五十米突置小哨。(即各步兵聯隊各一個)露營後方距二十米突置後方衛兵。(即步騎兵聯隊各一個)此小哨與後方衛兵配置於全營周圍。村落露營之警戒。前後兩方出口置衛兵。又配置哨兵於村落周圍。



## 第七 陣地之防禦工事

設備防禦工事於陣地之時。多用野堡。野堡皆充一中隊之用。野堡之前設塹壕。砲則築掩堡置其後方。

## 第八 俄軍之武裝

步兵及騎兵用三線銃。(口徑三線即七〇六密里米突)其構造似德國之八十八年式。射擊速度。不讓德國。命中力少劣焉。騎兵銃比步兵少短。

俄軍之射擊法。多一齊射擊(騎兵同)射的場步兵有千八百五十米突。騎兵有千七百米突之距離。故戰時遠距離之射擊。不覺其難。然其射擊法之教育。終不完全。命中力亦無可怖。騎兵在射的場常爲馬上射擊之練習。

步兵不持側刀持小鋤。騎兵皆持連發銃。

乘車砲兵備重砲(一〇、七珊知米突)輕砲(七、八珊知米突)(珊知或譯生的一生的米突爲百分米突之一)其餘一二之砲兵旅團持山砲(六、三五珊知米突)有山砲兵二中隊。此山砲在行軍中。以獸一頭載砲身。以三頭分載砲架之部分。

野戰臼砲聯隊持臼砲(十五、二五珊知米突)備野戰防禦工事之用意。其最大射程距離有三千四百米突云。

(完結)



# 文明書局發行最新書籍要目

友之生學 ● 脈命之民國 ● 友之師教

- 日本越智直安合著 **實用教育學** 角四  
首論智育德育體育之理次論致知進德衛生之方次論管學事宜實事求是無一泛語日人原序云讀此一書勝於讀他種教育學教授法管理十數冊良非虛語
- 日本鈴木氏著 **教育新合刻** 角四  
論以自育爲旨足爲中人之良藥史詳載十九世紀歐美教育大勢尤足爲中國師資
- 少年國民必讀 **中外故事讀本** 角三  
每課選列中外大豪傑嘉言懿行之相類者各一條可以廣兒童之胸襟可以發揚兒童之愛國心欲使子弟成大人物者最宜以此等書爲教科書勝於尋常讀本萬萬也
- 日本高田早苗原著 **再版國家學原理** 角三  
欲全國民之資格必自知國家之所以爲國家始此爲宗歐美大家之說以發明國家之原理凡爲國民者不可不讀也
- 日本天野 **理財學綱要** 角四  
爲之原著全書凡六編曰生財曰析分曰交易曰用財曰策富曰財政較他書之傳真前四編而乏後二編者不可同日而語

- 日本高田早苗原著 **憲法要義** 納憲政精理於區區小冊中講求外國憲法者得此思過半矣(二角)
- 日本高田早苗原著 **英國外交政略史** 四角  
英人最長於外交故爲全球之雄國本書前半論英國外交之沿革後半論公使領事之職務留心國事者允當一讀
- 日本柳內 **學生立志論** 二角  
學生首宜立志二十世紀之中國之學生不可不讀此書
- 日本橫山氏著 **生物之過去未來** 二角  
無錫秦毓蓀譯(地球之過去未來)
- 日本福澤諭吉先生原著 **男女交際論** 五角  
議論新奇圖畫精緻譯筆雅達奇書也
- 著者乃東邦第一醇儒著書立說振發雙維新自強厥功其偉是書成於十七年前當時日本女子墨守古訓無才爲德其弊與吾國同自此書行世女學日興去壓制服從之陋習得平權自由之精神吾國可以借鑒也

上海棋盤街北段

(售出有均館會生學留京東書各上以)

(1445)

蘇

江

76



美國伯蓋司著 金貴張競良譯

泰西各國立憲史論 (新出) 角半

今之談政治者莫不曰憲法憲法然欲知憲法之所由來非一讀各國立憲史不可此書著者以最精新之意見著論譯者以最銳達之文字傳其神韻之徒歐美之政治瞭如指掌即他日置身政界改造祖國亦大可取法幸各置一編

德國伯倫知理著 無錫稽鏡齋生譯

自治論 (新出) 角半

憲法之成立必以地方自治爲之基不知地方自治之義務者不足以有立憲國民之資格地方自治則政府雖頑陋亦無如民何居今日之中國而欲議改革政體者不必侈言立憲研究自治之道爲尤要矣此書著者爲近世第一大政治家論精詞簡最便初學有志之士幸快先觀

再版高等小學國史教科書 全部二冊 定價四角

此書爲張君肇桐所編敘述簡明而無遺漏議論痛快而不輕薄文字筆法顯而不粗俗可爲史學之基礎可爲文學之楷模官私學堂爭相採用初版已罄特再印行近日常購而未得者請仍駕臨敝局或函囑寄奉可也



日俄交涉之顛末

日俄交涉之內容兩國俱秘密不宣迄今數月無有知其詳者邇來日俄交涉無復有和平之望日俄陸海大軍已向朝鮮進發炮火之交不出數日東二月初八日(即中十二月二十二日)日本小村外務大臣對俄國駐日公使發絕交之書召還日本駐俄公使同時招請東京新聞記者三十餘名告以日俄交涉之顛末翌日即登報傳播全國惟是日俄交涉於中國有存亡絕續之關係故急譯之以告我同胞

我帝國必欲維持朝鮮之獨立保全其領土兼擁護帝國在該半島之特權者以其爲保障帝國安全康寧之要件也故不問如何行爲苟有危朝鮮之地位者帝國政

大勢 日俄交涉之顛末

日本渡部萬藏著 秦疏鑒張肇桐譯

未來世界論 三角 新刊

此書歷據群學心理學生理學政治學等最精闢之理論證白人之將衰黃族之將興及世界將統一於黃族之手大足爲我黃族吐氣望讀者有以實其言

德國伊耶脫著 金貴張肇桐譯

再版權利競爭論 三角

此爲今日中國最對病最應時之良藥傳來數月名重一時初次調製者今已告罄特再精製以應當世之需

日本齋藤與治著 無錫秦元弼譯

訂正西力東侵史

西力東侵危迫極矣嗟我主人曷可不知是書初版數千部不久即罄今特益加訂正再印若干以饜閱者之望定價大洋三角

上海棋盤街北段

(售出有均館會生學留京東書各上以)

(1446)

(1447)

府不能坐視。惟彼俄國。雖與清國訂立公約。并屢次宣言於各國。而言行相左。依然占領滿洲。更進而侵畧朝鮮境域。若使滿洲爲俄併吞。朝鮮獨立。即不可保。是以帝國政府。計惟有與俄人開交涉。就兩國利害觸接之滿韓兩地。調劑相互之利益。以期東亞之平和。克維持於久遠。昨年七月下旬（中六月）向俄政府披瀝真誠。求其贊助。俄政府欣然以同意之旨相答。帝國政府。遂於八月十二日。使駐俄栗野公使。提呈左列諸條件於俄政府。作協商之基礎。協商之大要如左。

一 互約尊重清韓（韓即朝鮮）兩國之獨立及領土保全

二 互約於清韓（朝鮮）兩國。爲各國商工之業。維持機會均等之主義。

三 俄國承認日本在朝鮮之優等利益。日本就滿洲之鐵道經營。亦承認俄國有特殊之利益。且苟不背第一項之主義。則因保護上記利益而行必要之處置。彼此可以互認。

四 如因朝鮮之改革善政。而與以助言助力時。俄國當認日本之有專權。

五 俄國當約日後。如朝鮮鐵道延長至滿洲南部。與東清鐵道及山海關牛莊

鐵道接續時。俄國可不加阻害。

當時帝國政府。因思交涉便利。則時局可以速定。故望在俄京直接與俄當局者商議。而俄國政府。則託詞皇帝之巡幸。及種種理由。拒我所請。不得已以東京爲交涉之地。至十月三日。俄政府之對案始至。

該對案中之提議。俄國拒協商首二項中。清國之一部。以滿洲及其沿岸。置諸日本利益範圍之外。求日本之承認。至於朝鮮。則就日本之自由行動。加種種限制。例如日本雖得因保護利益。有出兵於朝鮮之權。却不許以朝鮮領土。供軍畧上目的之使用。甚至欲以北緯三十九度以北之朝鮮領域。定爲中立地帶。

帝國政府。思俄國久以保全清國主權及領土之主義。累次聲明。若無併吞滿洲之意。何故於協商之中。不許插入素所聲明之主義。其理實不可解。俄國政府既拒絕之。帝國政府。益覺插入此項之必要。且帝國之於滿洲。不惟現在有商業上重大之利益。將來發達之望。甚非鮮少。加以政治之上。比之與朝鮮之關係。其利益更形緊切。全置之我利益範圍以外。實難認許。故決意拒絕之。於是帝國政府。以右之意

見爲主。更對俄國之提案。一一加修正之意見。關於中立地帶一節。則言若欲設立。須跨滿韓兩界。劃一確定之距離。其距離以各五十基羅密達爲率。此案於東京經數次折衝。遂於十月三十日。送我國確定修正案於俄國政府。爾後數次促其回答。俄遷延不決。至十二月十一日。始有回答。該回答中。俄國削除滿洲條項以協商爲專關朝鮮之約。而於不准以朝鮮地供軍略之用。及中立地帶兩項仍主持不少變。然就來文觀之。既以滿洲置諸協商範圍以外。與帝國政府當初開交涉之主旨（即欲於滿韓兩地協定日俄之利益以避兩國衝突之旨）全相反背。故帝國政府於十二月二十八日。向俄國政府。求其再考。要求削除朝鮮領土使用上之制限。并申言如中立地帶。俄國不欲跨過滿洲。則於朝鮮亦可不設。由是俄國政府。以一月六日。再來回答。就朝鮮而論。俄國要求之二項。依然存置。至於滿洲。則俄國許於協約之中。插入日本及各國。可以享有因與清國結條約而獲得之權利及特權（除設租界）一項。然回文之中。既於滿洲領土之保全。毫不提及。則所稱權利之保證。依然有名無實。何則。條約上之權利。與主權共其存亡。若俄國

(1450)

四

併吞滿洲。則各國固與清國結約而享有之權利及特權。勢必同時消滅也。因是帝國政府。益認滿洲領土保全之必要。堅求俄國之許諾。至設租界之制限。顯與新定日清追加通商航海條約抵觸。決削除之。至於朝鮮。以毫無退讓之餘地。故堅執我國前次修正之條項。於一月十三日。再送致俄國。求其再考。嗣後雖屢次促其回答。而俄國不惟不答。并不示以返答之期。要之帝國政府。始終以穩和公平爲政綱。對俄國政府。一毫無所責難。不過就俄國累次及任意申明之主義。求其承認已耳。然俄政府堅拒不允。屢次遷延回答。一面盛修戰備。大兵既壓朝鮮境上。帝國政府。因一意平和了局。故隱忍以至今日。而俄國之行動。竟令帝國絕妥協之望。至不得不斷絕談判焉。

(1451)

英德於揚子江之競爭

V. G. T. 生

美哉揚子江之山河。美哉揚子江之山河。今試一展東亞之地圖。見有發原於西藏高原之大江。經川漢越湘潭。以東注於太

大勢 英德於揚子江之競爭

五



平洋者非揚子江乎。蓋其地山川靈秀物產豐盛。我祖我父居于斯食于斯四千三百有餘年矣。雖上古蠻荒時代。其實事多不可窮詰。而自有史以來。恒爲影響于本部。則載籍俱在。可覆視也。二百六十年以前。胡馬入關。中原塗炭。而長江流域禍尤烈焉。非其交通之便利。土地之肥饒。易爲異族所垂涎。以致之歟。迨至殖民政畧之潮流自東海以注於內地。而此三千餘里之沃土。久爲他人之几。上肉特不過捷足者先得之耳。雖然。蟻慕羊肉。羊肉不慕蟻。彼之踐此土食此毛者。其醉生夢死固如昨也。我乃舉我見聞之所及者。以告我邦人。

溯自鴉片之戰。割香港。殘廣東。長江門戶。自此洞開。上海一區。遂爲商業之中心。英人又復闢租界。開鐵道。營航路。以握其商業之實權。習之又久。主之與客。若相忘焉。蓋余取余求。不汝瑕疵。爲英人囊中物也久矣。千八百九十八年以降。膠州旅順租借以後。德人伸其勢力於山東。浸浸有南下之勢。英人乃要求於滿洲政府。宣言揚子江之沿岸。不得割讓於他國。而其勢力範圍。自此定焉。

當是時也。德人以全力注於膠州。不暇他顧。於揚子江沿岸之利害。不甚留意。且其

時德人多謂以支那版圖之廣大。各國利益決無衝突之恐。所謂小獨逸政策。當日彼國政界所歡迎者也。千八百九十九年。在上海有力之德商。以本國所採政策之狹小。不足以振起海外之事業。乃組織獨逸協會。以圖商人之利益。此會既成。揚子江之商業。駸駸有壓倒一切之勢。觀于近年海關之報告。可以知矣。

海關統計表。除英國外。皆不載其發出地。故自德輸入之確數不可知。然據其千九百零一年之報告。亦可以知其概畧。今分列如下。

## 上海

自英國之輸入(除殖民地)

三九、九五八、五三二兩

自歐羅巴大陸之輸入(除俄羅斯)

一一、五一六、四三三兩

於英國之輸出(除殖民地)

七、六七七、五三三兩

於歐洲之輸出(除俄羅斯)

二八、六二八、七一二兩

## 漢口

自英國殖民地之輸入

三三二、〇〇〇兩

## 大勢

英德於揚子江之競爭

自歐羅巴大陸之輸入

一、六四二、一六〇兩

於英國之輸出

二、〇八五兩

於歐羅巴大陸之輸出

三、〇七一七兩

以上所揭歐羅巴大陸之輸入無出德人右者輸出則茶以外殆盡付於德人之手次則于航路利益之消長有不可不注意者今列各國比較如下。

英國

五割四分(十分之二爲一割  
百分之一爲一分)

德國

一割六分

中國

一割三分

日本

一割一分

美國

二分

俄國

一分

其他

三分

觀於此可知各國經濟勢力之大畧所可驚者千九百年前德人不滿一割一年以

後增至一割六分不可不謂長足之進步蓋中國沿岸貿易因漢堡(德自由市之一)亞米利加公司與惱爾德勞德公司(在自由市布列曼)協約之成立與德人航運之便宜現公司之協定航路有四。

香港浦港間

月一回

廣東香港上海間

月一回

上海青島間

月一回

上海塘沽間

月一回

外揚子江之線路德人所經營者

上海漢口間

一禮拜三回

漢口宜昌間

月三回

又千九百零二年法朗克福爾(德之大都會)支那沿岸航海公司驟增其資本爲五百萬馬克(原一百萬馬克)猶募集股票更造三千噸之船五隻而德國富豪曼猜兒及漢堡公司遂爲此公司之大股東其各種計畫皆堅忍不拔以期成功云。

然德人之知中國事情也。遲故其所經營者。暫英人之知中國事情也。早故其所經營者。久久暫之別。即優劣之所由分也。千八百九十八年之春。上海亞西亞銀行奉本國之命。以上海南京鐵道之權。要求于滿政府。成有日矣。而英國怡和洋行出而撓之。遂爲所奪。德人于揚子江之經營。由是大挫。然其外交政策。秘密不測。手段之敏捷。有出人意。外者。故未幾而有千九百年之事。

是年八月二十五日。于雲南殺害英國教士二人。德人懼英人以爲口實。而擴張其權利也。說法人以揚子江爲中立之地。要求於滿洲政府。大旨謂法國希望千九百零一年議定書之實行。爲上海撤兵之準備。然若列強有占領上海之事。則法國不可不保其行動之自由。故於揚子江畔。無論何國。不可與以外交軍事之特權。且于江畔各地。不許他國之占領。德人之要求。與此無異。惟中有揚子江經濟的利益。除德人外。不得允許他國之條件。且以秘密要求于滿政府。滿政府許之。

德公司以此公文之前半。通告各國公使。畧述他國後日占領上海。德國可以參加之意。而機事不密。其全文爲英外相所得。德人陰險之政策。遂爲世界所共知。然近


頃以來。膠州之守。備漸成功。又復延長。青島濟南之鐵道。實英人他日之競敵。而揚子江未來之大患也。

吾書至此。吾不能已於言矣。夫地理與文明之關係。豈偶然哉。古代埃及及西亞西亞之文明。希臘羅馬之開化。雖其原因複雜。不易觀察。而地理之影響。實占其大部分焉。蓋大抵近海與河之國。其發達必較他處爲速。此證之歷史而可斷言者也。中國本部十八省。沿海者七省。沿江者七省。至若握江海之關鍵。而交通尤便利者。則惟我江蘇。故米人某有言曰。上海一地。非特商業之中心。實文明帝國之首都。而海軍之要港也。今則宛其死矣。他人是保舉祖宗邱墓之鄉。拱手而讓之于異族。彼滿洲政府之肉。何足貪我江蘇人亦早知省悟而自爲計耶。若山東鐵道已成。極東總督既設。則大江南北將爲條頓人之戰場。而我父兄子弟且暴骨之不暇矣。雖然。吾思之。吾思之。有奧法之爭。而後意大利可以獨立。外國干涉之衝突。正大國民成就之時機也。昔人有言曰。困獸猶鬪。而況國乎。我父兄子弟。夫豈困獸之不若而又何勞我喋喋爲哉。

中國鐵路之現狀及將來

夫鐵路之於國家。非猶脈絡之於身體乎。使人無脈絡以司運動之機能。則必麻木不仁。如槁木如頑石。而不能有所作為。鐵路之於國。亦然。國無鐵路。則交通不便。文明無由輸入。富源不能開發。舉凡一國之政治。軍備。經濟。教育。諸大端。俱不能有統一完全之期望。欲免於窒塞。頑固。而日臻富強。此必不可得之數也。惟吾中國。地方數千萬里。處形便之地勢。含無限之富源。宜占世界強國之地位。祇以交通不便。無鐵路以貫通脈絡。遂致東西南北隔絕不通。晦盲否塞。日益滋甚。然則鐵路者。非吾中國當今之急務哉。

雖然。近十年來。中國建築鐵路之議。亦漸興矣。外人之謀佔我鐵路者。亦無微不至矣。暨乎今日。則鐵路之已成者。日增一日。而經始建築者。亦日有所聞。似宜為中國前途賀。不知今日中國之鐵路。非中國自有之鐵路。而外人侵佔之鐵路也。國無鐵路。雖如麻木不仁之病夫。猶不失其為人。鐵路而全為外人侵佔。則猶木偶。紙人。雖能運動迅速。而司其動機者。則不在本身。而在身外。終不能謂之為人也。中國無鐵



大勢 中國鐵路之現狀及將來

路中國固無望振興然中國鐵路而全爲外人所有則必至於亡國交通之便固可欣利權之失更可痛也謂予不信請觀中國鐵路之現狀今列表如下。

既成及興工之鐵路表

路名	國籍	英里數
東清鐵路	由俄境至旅順之幹路及支路	一〇六二
關外鐵路	營口山海關間	一七八
關內鐵路	山海關天津間	一七四
津沽鐵路	太沽天津間	四
京津鐵路	北京天津間	八八
京通鐵路	北京通州間	一〇
淞滬鐵路	上海吳淞間	一三
蘆漢鐵路	北京漢口間	八〇〇
奧漢鐵路	漢口廣東間	七五〇

(1460)

計畫中鐵路表

合計

路名	國籍	英里數
山東鐵路	膠州濟南間 膠州沂州間	四二〇
大冶鐵路	湖北大冶鑛山至江岸	一八
澤懷鐵路	澤州懷慶間	一五
萍醴鐵路	萍鄉醴陵間	六五
合計		四、一五七
津鎮鐵路	天津鎮江間	英德
淞滬延長路	上海南京襄陽間及上海寧波間	英國
正太鐵路	正定太原間	英國
鑛山鐵路	太原西安幹路 襄陽彰德支路	英意
津保鐵路	天津保定間	英意
九龍鐵路	廣東九龍間	英國

大勢 中國鐵路之現狀及將來



安南鐵路	雲南路廣東東寧 北海路及龍州路	法國	七七〇
暹羅鐵路	雲南重慶間（即自 買門延長至雲南之路）	英國	六八〇
緬甸鐵路	公郎雲南間（即百曼大雷 延長之路）	英國	三二〇

## 合計

四、五六〇

## 豫定之鐵路表

國籍 英里數

蒙古橫斷鐵路	自北京經張家口 至買賣城	俄國	一、〇〇〇
義州營口鐵路	自朝鮮之義州 至營口	未定	二五〇
川漢鐵路	成都至漢口	英國	一、〇〇〇
北京九江鐵路		米國	
河南西安鐵路		俄國	
巴摩成都鐵路		英國	
南昌漢口鐵路		未定	
澤州浦口鐵路	自澤州至南京對岸 浦口	英國	

寧波廣東鐵路  
福州南昌鐵路  
成都梧州鐵路

日本 一、〇〇〇  
日本 四〇〇  
英國 九〇〇

據右列諸表。以考鐵路之系統及地勢。則可就一二兩表中諸路分之爲四大部。其  
一曰東清及關內外鐵路。由西伯利亞達北京者也。其二曰津鎮鐵路。由直隸南達  
大江中部者也。其三曰蘆漢及粵漢鐵路。南北縱斷中原之大陸者也。其四曰安南  
及暹羅鐵路。接印緬揚子江之連絡。並侵入四川高原者也。之數道之地勢。蘆漢以  
東。概爲平原。以西則山嶽重疊。東富於茶絲諸品。西富於煤鐵諸礦。津鎮鐵路沿大  
河右岸南下。最占重要之地位。以沿道物產豐富。都市輻湊。而山東至江蘇之沿海。  
無適宜之海港。必籍鐵路以貫輸之也。蘆漢粵漢二路。其位置足以集中東西之貨  
物。而漢口之中央車站。更爲河南安徽陝西湖北諸省之中心。南端之廣東。亦能吸  
收湖南江西之貨物。而運送之海外。司全國中樞之交通者。斷推是路。至若自廣東  
達雲南之安南鐵路。雖若稍爲偏僻。然於開發中國南部之富源。爲功不尠。雲南四

川兩省。自古以來。夙稱天府。惟地勢崇高。交通不便。得暹羅、緬甸二鐵路以通之。庶可開發其富源。但其地方寥廓。恐尙非一二鐵路所能盡其開發之能耳。更就第三表觀之。所列諸路。皆有數千里之遙。其中最占重要者。則英國所設計之自緬甸、巴摩至成都鐵路。及川、漢鐵路。是已。使此二路告成。則印度與揚子江流域連接。而英國之勢力益不可以撼矣。日本於中國。尙無尺寸之鐵路。使寧波、廣東及福州、南昌路到手。則南方之勢力範圍。更可想見。然則各國於中國之勢力。可就鐵路之計畫以別之矣。俄國既握東清鐵路。更伸手於山西、河南。籍蘆漢鐵路以出。揚子江岸。假蒙古鐵路以囊括蒙古。新疆諸部。北部諸省。已盡入俄人掌握之中。英國意欲制俄。故西南自緬甸以經畧川藏。而深入內地。更東南自江浙以向北方。西南與中部諸省。不幾入英人掌握中乎。法國經營南部。廣西、雲貴諸省。德人獨佔山東鐵路。以侵入中原。美國則藉京、江、粵漢鐵路三權。亦足與諸國爭雄乎。大陸險哉。列強之日。偪衰哉。中國之無人畏首畏尾。身其餘幾。及今不圖。恐更無及矣。

然欲期補救於將來。則必合通國之財力。以從事於鐵路。彼既成。及已興工之道。非國勢驟強。難言回復。今且姑置勿論。第就計畫及豫定諸路中。擇其與中國將來利害大有關係者。集華股首。先興辦以收回利權。抵制外勢。庶於中原腹地。猶有一線自立之望耳。攷夫最要之鐵路。而外人尙未興辦者。則有川、漢鐵路。北京、九江鐵路。成都、騰越鐵路。九江、福州鐵路。成都、梧州鐵路等。是也。川、漢鐵路。不第關係四川全省之安危。更爲印、藏與揚子江流域交通之要道。英人得之。則以制中國南部之死命。華人得之。可以保長江沿岸之利源。近聞四川紳士。銳意興辦此路。吾日夜望其速成也。如成都至雲南、騰越。及至梧州二路。更通。則雲、貴、廣、西、四川、湖南各省。可以聯絡一氣。爲中國中流之砥柱。雖建新國。亦何難哉。北京、九江間鐵路。直貫南北。與津鎮、蘆漢二道並行。得之。亦可以挽回中原之氣運。若更自九江連絡浙江、福建、廣東諸處。則東西南北皆有連接之機關。基本已稍固矣。雖然。時機日迫。稍縱即逝。中國不患無築路之資。而患有資者之不善用。尤患無築路之人材。以經理其事。故雖倡議於我。而欲權之不落外人手。非易言事也。然欲補救此資本人材之缺陷。則更

當從事於理財及教育諸端以非本問題範圍內之主務故不具論。

(完)

### 中國所失礦權之一班

快快。近日來。傳我耳者曰。湖南自立礦務總公司。曰。浙人爭劉鐵雲之條約。曰。皖人爭英與巴西之礦權。我四萬萬神明之裔。苟盡如斯之奮發激昂。與異種戰。非特將失者可挽。即已失之礦權。何在。不可以拚命索也。吾今羅列中國所失礦權如左。讀者亦知何者。關於吾之身家。吾之性命。而蹶然起乎。

#### 北京新帝開德公司(英國)之礦權

一。山西省。孟縣。潞安。澤州。平陽。府屬之煤。鐵。煤。油。各礦。此條約係山西商務局與北京新帝開德公司於千八百九十八年中國戊戌年五月二十一日協定者。共有二十款。今述其大要於左。

自公司出一千萬兩以供採礦之用。以六十年為限。經費不足。該公司當續借。每年礦產之價。以五分之五作稅金。歸於清政府。更於利益之內。提利子六厘。

存一成返本。以二成五歸清政府。

公司因搬運礦物。得隨意布設鐵道。其一端得由中央幹線直達河川之航行點。經六十年後。礦山鐵道。均無價交付清政府。

此條初為俄清銀行所反對。其結果則以正太鐵道兩旁之百里內。不布設鐵道。方能協定。

#### 一。河南省。河南懷慶府左右及黃河以北諸山各礦

此條約係千八百九十八年六月二十一日與河南巡撫所協定。共出資本一千萬兩。其大約與山西之條約同。而新帝開德公司當局者之豫定。則欲自山西之開礦地起。延長其鐵道。過此礦地。以通安徽省而達南京對岸之浦口云。然新帝開德公司尚未急欲實行此款。而中國以自由布設鐵道其權利過大為悔。山西巡撫岑春煊欲藉口毀棄此條約。後經兩者協議。於千九百〇二年中國辛丑年。山西礦務局劉鶚與新帝開德公司之當局者締結第二回之條約。止稍易其形式耳。

#### 安徽宣城縣日本土倉組之礦權

大勢 中國所失礦權之一班

礦地 甯國府宣城縣之煤礦

此條約係上海日本領事與盛宣懷所創設宣城煤炭公司。由兩國人合資採掘。於千九百〇二年。中國壬寅年宣城煤炭公司總辦陳氏與土倉代理人橋原藏結約二十條。附款八條。其要公司當出資本五百萬元。土倉則當出二百五十萬元。公司招股有不足時。可乞貸於土倉。利息六厘。以盛宣懷爲保證人。以礦產及一切附屬物抵當。

產出之煤一噸納五分租稅於公司。又每賣價百元。納五元之稅於清政府。每年所收入除去一切經費後。以一成爲股利。二成返本。一成爲準備金。一成爲關係者償與金。其餘二分之各得其一。苟歸還原金之積金已充原額時。此二成納之清政府。

營業期限。以五十年爲度。既得承認。即先由土倉出資五十萬元。一年開工。此礦周圍三十里以內。不準他人開採。

安徽省英人凱約翰之礦權

礦地 徽州府歙縣池州府屬銅陵大通甯國府廣德縣安慶府屬潛山縣各一所。

此契約係皖撫聶緝榮與英人凱約翰所私定。共款十條。其大要英商出四百萬兩至七百萬兩之資本。與礦山公司。限五十年間採掘。

英商既經清政府准後。一禮拜間即納三十萬兩之報効金於清政府。六個月內起工。(因此約日本東京安徽同鄉會舉特派員回國運動由官紳自立公司大勢尙可挽回)

英法協同雲南公司之礦權

礦地 涉雲南全省之荒廢銅礦及以後公司發見之銅礦 會開採荒廢之金銀鐵煤及以後發見之金銀鐵煤煤油寶石硃砂

此公司係英法兩國人協立。其條約爲法領事迷勒斯與雲貴總督協定。於中國辛丑年十二月調印。全文廿四條。大要如左。

公司有開礦特權。他國人不得允許採掘。公司出海關銀五千萬兩爲資本。苟更

大勢 中國所失礦權之一斑

有增加。則當更議。

批准後三年之內。著手開礦。每年納二萬兩於雲南官吏。爲保護經費。公司得募土勇置中西武官各一員。定限八十五年。過限後不論如何現狀。均交雲南官府。（此約未見批准實行或謂壬寅六月二十三日已經批准云）

#### 四川之英清合同開礦

礦地。除四川省內六州廳縣（縣名未詳）已經別人探掘外。可於煤。煤。油。鐵。砂。各礦開

採。此約係四川保福公司總辦嚴繼昌會辦陳星海與英商普濟公司總辦周振瓊英人立脫兒之間調印協定全。文十九條或云此契約尚未確定其詳細由壬寅年日本重慶領事之報告。其約之大要如左。

依此契約。普濟公司當出資本一千萬元。限六年踏查礦地。

四川公司招集百萬兩買礦地以供普濟公司之開採。普濟公司則約產出額金百分之五爲地租又。以百分之一作四川公司之經費。以百分之五作落地稅。諸器械材料。僅約海關半稅。五十年以後。一切均無價交付四川公司。

(1470)

右爲日本重慶領事之報告。其後亦未批准。於本年九月見諸上海中外日報者云。後經四川全省煤油公司總局總辦王思敬重慶總局總辦吳福昌普濟公司總辦立脫兒之間商定。共十條。畧有變更。其大要如左。

四川全省之煤。煤。油。鐵。礦。準其探掘。而其資本雖亦須三百萬兩。普濟公司應出百五十萬兩。每股百兩。年利八分。

普濟公司於公認之日。即出十五萬兩爲開辦準備費。開礦之日。再陸續百三十萬兩。

成功之日。除利子外清國之納付金諸職員之俸料利益之分配等再協定。

#### 貴州省法商亨利公司之礦權

礦地。貴州省思南府印江縣所屬之獅毛山銀礦一處。磨嶺之鐵礦一處。

此約爲寶興公司總辦曹允斌會辦陳廷劉與法商古斯意脫所協定。共二十三條。大要爲兩面共出三百萬元之資本爲新股。每年利子八分。認定後十月之內集齊。華商從來所有之礦山及諸材料。均可作爲資本。謂之舊股。以四十年爲開

(1471)



業期限。其他募保護之士勇及建立礦山學校等事。如雲南公司。（此約目下尙未議定）

#### 廣西省法商之礦權

礦地 廣西上思州之馬尾嶺之黑鉛礦。

此約爲天盛礦務公司總辦馬惟驥與法商元亨公司總辦袁脫利。於壬寅年六月十日訂立。目下尙未批准。此約共二十四款。其大要如下。

礦山者華商之所有物。法商於認定後五月內當籌給二百萬兩供開辦之資。本不足時。更供二百萬兩。俟廣西平定後開辦。法商於右內自擔四十萬兩。餘募集股份。此股份年利八分。法商可納十萬兩之保證金。有中途廢止時。此保證金沒收。

(1472)

探掘期限三十年。苟期內探掘未盡者。可更緩議。礦山十五里以內。禁別人探掘。又因運搬礦物。得布設西江流域之鐵道。礦外尙有五金探掘時。更待兩者協議。貴州省法商大羅洋行之礦權

礦地 貴州省平遠縣霧山之雲母礦（貴州省城之西南百餘里）

此約係千九百〇二年七月七日天益公司與法商大羅洋行總辦喀利耶所協定。計十二款。大要如左。

礦山爲天益公司所有。大羅公司先出二百萬兩供開礦之設備。不足更由大羅公司出資。此二百萬兩宜於條約認定後六個月之內支出。且需於認定日交十萬兩於天益公司。爲保證金。二萬兩爲準備費。然此後卅年間。不論如何天益公司總不得有處分此礦山之權。又宜募保護巡勇五十名。

認定後六個月內不能支出二百萬兩。又十二個月內不能起工者。則可沒收以上所云二萬兩之雜費。此條約無效。探掘期限爲三十年。苟以後猶欲繼續者。須於三年前通知。苟大羅欲半途中止時。則捨保證金。此約外務部尙未批准。

#### 福建省法商之礦權

礦地 建甯邵武汀州三府所屬礦山

此約共二十二條。係福建全省礦務官局之華裕公司與法商大東公司協定。大

大勢 中國所失礦權之一斑

要如下。

華裕公司當出八萬元作購地費。大東公司出七百四十萬元作開採費。限期五十年。滿期後一切均歸官局。（此約爲千九百〇二年中國壬寅年十一月閩浙總督所奏請設立福建全省礦務官局與法商大東公司訂結名爲官局所辦實盡在法人勢力之下目下尙未批准此約國人不設法力阻福建全省之開礦權有舉落其手之虞）

外於山東鐵路德人之礦權。東清鐵路俄之礦權。均附屬於鐵路約中。茲不具載。

(1474)

### 巴拿馬之風雲

#### (一) 巴拿馬之位置

西歷千九百有三年十一月適當中國癸卯之初冬。地球表面突然新現一獨立國。疆域不過三萬一千五百方英里。人民僅三十餘萬口。一旦脫離羈絆。宣言獨立。時不逾月。兵未血刃。而世界列強已後先承認。國基於以大定。噫。獨立固如是其易哉。

處此列強競爭之交。而區區小國竟獨立如是之易。正吾人所不容不考求者矣。而況乎其足資考求者。尙有絕大之問題在也。其國名何曰巴拿馬。

試一覽萬國之輿圖。即可以知巴拿馬之地位。巴拿馬者。縱連南北。美洲橫斷。大西洋兩洋之一地峽。南美哥倫比共和國之一部也。自歐人東漸以來。咸以東亞爲競爭之要點。惟東西相距過遠。交通不克如意。歐洲各國。日考夫交通便捷之方。蘇彝士河成而交通之局一變。西伯里鐵道成而交通之局又一變。但蘇彝士雖爲歐亞交通之捷徑。然至各國競爭點之支那大陸。尙有迂回曲折之虞。西伯利鐵道。地處寒帶。軍事上固甚得勢。商業上則不免稍遜。計惟有直通大西洋與太平洋。交通之便。始臻完美之域。而巴拿馬地峽。適居兩洋之中道。其東西相距。不過數百里。天生陸地。中無河川。不能通舟楫之便。然蘇彝士地峽。可鑿巴拿馬亦未始不可通。故數十年來。用力鑿運河於此地峽者。後先數起。今則北美、美洲、合衆國。方營全力。以事開鑿。而巴拿馬之獨立。實即因之而生。使此運河告成。則東西洋交通之局面。必大變改。巴拿馬之地位。將占世界最重要之勢。然巴拿馬不獨立。則於運河之成。殊多。

塞礙故雖謂巴拿馬獨立爲運河告成之先聲也亦無不可。

## (二) 巴拿馬運河之沿革

開地峽運河之議。十六世紀中。恩德紐古父既倡之。迨十九世紀。開運河與築鐵道之聲。大起于歐美諸國。千八百五十五年。北美縱斷鐵道成後。開鑿運河之熱心。益增其度。千八百七十六年。萬國運河協會起。將軍退魯爲長。閱二年。遣烏衣士踏查地城。哥倫比政府承認協會。許其履勘。定運河可經由哥倫比領土。而運河及所經港灣。永爲局外中立地。此即今所稱烏衣士特權者也。又明年。開通蘇彝士運河者。雷歲伯召集英美德法四國委員百三十五名。籌議選地及開法。爰定巴拿馬爲起點。造兩大洋平水之運河。遵法國法律。創巴拿馬運河會社。雷歲伯爲社長。出一千萬法郎。收買烏衣士之特權。廣募股本。至千八百八十年十二月。應者甚多。會社遂成。其後二年間。測量土地。計畫工程。定巴拿馬爲太平洋河口。古倫爲大西洋河口。其計畫之大要如左。

掘除一億二千萬立方密達之土塊。即可得水深九密達底幅二十二密達之河

道。以古倫爲大西洋河口。以巴拿馬爲太平洋河口。自古倫至喀東十基羅密達地最底。自喀東至屋皮司堡三十基羅密達。地適中。由是經克雷白拉高原（出海百密達）達巴拿馬運河總長。凡七十四基羅密達。河線大概徑直。屈曲之處。不過四五。古倫巴拿馬雖非良港。用作運河終點。必無不可。惟臨河地城。係巴拿馬鐵道會社所有。殊不便耳。

雷歲伯之設計。其中含有二難。一爲克雷白拉之堀開。一爲楷格雷司峻急之河流。然雷歲伯不顧其難。繼續興工。至千八百八十七年。覺前計之失。乃更易一法。從事開鑿。然勞多功少。會社因以不支。千八百八十九年。不得已使經理者圖善後之策。而工事遂停。

運河未造成。而烏衣士之特權已將消滅。當事者因請之哥倫比政府。延期十年。哥政府許之。而要求會社于九十三年二月終。須繼續興工。及期。會社不能行。於是更自其年十月終起算。延期十年。未幾。又改期。以千九百十年十月終爲限。至千八百九十四年十月二十日。新巴拿馬運河會社成。新運河會社成後。占有運河旁之不

動產。巴拿馬鐵道股票。亦歸其管轄。就經費工程二項。深加考察。而後動工。然以資本不充。難於繼續。至千八百九十八年。招請歐美有名工程師。研究善後之策。大抵以計畫雖美。而經費難支為斷。終致停工。蓋舊會社之失敗。在乎技術之不精。新會社之失敗。在乎資本之不足。十年計畫。仍至功廢半途。巨功誠不易哉。

於是北美合衆國。遂起而繼續其事。出四千萬金圓。購舊會社之權利。更與哥倫比亞國。協議辦法。議以民立公司興辦。備一億三千萬金圓。乃至一億四千五百萬金圓之資本。事成之日。歸之美國政府焉。時千九百三年也。

### (三) 美國之熱心與哥倫比亞之反對

千九百三年一月二十二日。美國國務卿海。與哥倫比亞駐美公使黑魯蘭結巴拿馬運河條約。條約大旨。言美國向哥倫比亞國。借沿河幅員六英里之地。定借期為百年。如欲延期。美有決定之權。美國既得此權利。即以一千萬金圓。付畀哥倫比亞國。更每年出二十萬圓為地租。租界內一切政務。由美國施行。警察裁判之權。亦歸美國。然主權則仍屬哥倫比亞。所借地域。永為中立。遇有緊急。以美兵防護之。租地附近礦產。

(1478)

不准外國人採取。巴拿馬古倫兩港。對經過船舶為自由港。運河之成期。限以條約批准後十四年間。此約草案定後。經美國元老院。及外交委員會。審議再三。至三月十八。遂經批准而送之哥倫比亞國。美國大總統。領路士。備魯銳意興修。擬俟約成之日。即遣工夫四千人就役。八年之內。期必開通。美國之熱心於此運河。可謂盛矣。然美國雖熱心於開通運河。哥倫比亞國則大異乎是。哥倫比亞國中。惟巴拿馬州。利害切身。竭力贊成此舉。其他各地。則意見各殊。元老院中議員。及代表議會。大半反對是舉。反對之旨。大抵不願以運河監督權。永歸美國。運河之地代。既不足數。又恐政府得千萬巨金。勢力益大。國中無改革之望。故雖大統領有贊成之心。知不合於衆。幾至辭職。至八月。哥倫比亞開議會。元老院大反對。運河條約。不能通過。美國聞之大抱不平。巴拿馬地峽人民。亦紛紛倡異議。

### (四) 巴拿馬獨立及列國之態度

哥倫比亞反對運河條約之際。巴拿馬新聞。即有唱獨立之議者。遭哥倫比亞國之嚴譴。致新聞社停閉。然日復一日。巴拿馬益抱不平。遂於十一月三日。宣言獨立。附近

(1479)

城邑望風歸附。哥倫比出於不意。未遑派兵征討。而美國政府承認其獨立之文。不及三日。已達巴拿馬及哥倫比矣。獨立宣言之意。大旨謂巴拿馬與哥倫比國合併以來。不惟一無所利。不平之象。日益增加。故糾率同志。建立新國。新國仍爲共和民主。而政府則本代議之制以成。從此脫哥倫比之羈絆。而進乎自由獨立之域。建國之初。設一評議會。掌共和國之行政及監督。評議委員凡四人。蘭久亞列麥士培德亞列亞士是也。

自獨立之報達於列國。德國外務省揚言曰。美國既正式承認巴拿馬獨立。德國亦無異議。且謂美國公使曰。德國於巴拿馬利害無關。故亦無由干涉。英國則以運河之成。於已國亦有益。而巴拿馬獨立。於英無關。故亦承認。意大利與哥倫比素有嫌隙。故亦於巴拿馬獨立。不加反對。法國於巴拿馬獨立。絕無反對之意。且以新國遣法人爲議約使臣。尤所欣喜。墨西哥亦以巴拿馬不獨立。運河未由成就。美國既助巴拿馬。墨西哥亦表同意。其他歐洲各國。以利害所關者淺。皆不注意於此。日本等更無論矣。然綜觀其獨立承認。所以如是之易者。以運河之開。祇有利於世界。而

無損乎列強。且有美國爲之後援也。

#### (五) 運河條約成

自美國承認巴拿馬獨立。哥倫比國竭力反抗。欲求美國翻其前議。美國堅持不允。哥倫比亦無如之何。而巴拿馬新國。則遣大藏大臣亞買獨魯及議會議員飛立培德爲專議運河條約委員。至華盛頓協議。兩人未到之先。美國國務卿海。已與巴拿馬公使白列賴締結草約。既至。審議逾時。極表同意。兩專使遂攜條約歸巴拿馬。十二月二日。巴拿馬政府不改一字。批准運河條約。其內容如左。

第一條 美國約擔保巴拿馬共和國之獨立而維持之。

第二條 巴拿馬共和國。以運河兩岸五英里地。兩海口之三海里地。及建設維持運河工事用之必要地域。俱割讓與美國。

第三條 巴拿馬共和國。許美國於以上之地域內。有行使與主權同等之權。及委任權。併除外巴國行政之權利。

第四條 巴拿馬共和國。當美國或運河工事有必要之際。許其使用河川及水

面。但衛生之目的而欲使用河川水面時。亦可照本條處斷。

第五條 巴拿馬共和國。許美國於運河及鐵道上。有永久交通設施之獨占權。此外尚有二十一條。皆屬於管理問題。摘其要畧於左。

運河各口諸港。常爲自由。巴拿馬共和國。不能向使用運河之船舶。或美國所屬及雇用之船舶。徵收關稅。

巴拿馬及古倫二港。以及運河所經之港。對世界商業。當自由開放。

除輸入巴拿馬共和國消費之品。及寄港巴拿馬古倫而不經運河者外。不可徵關稅。然巴拿馬政府。如因欲徵收巴拿馬國輸入品之關稅。而設稅關及守衛所時。不妨設置。

美國如因修理船舶。將淀泊或經由運河之貨物積卸儲藏及移動時。有使用運河兩港灣之權。

因水路之氾濫。或因運河之工事使用。而致損個人土地時。可由兩國各派委員。合議處置。賠償之額。則由美國負擔。

(1482)

其他尚有要項。則左列諸件是也。

新巴拿馬運河會社。如將權利賣與美國。巴國應當承認。惟會社所有運河地帶外之地。則還之巴拿馬。

運河永久局外中立。

巴拿馬之軍隊。得以無價通行。

美國如因保護運河。可駐屯軍隊。及築造要塞。

巴拿馬共和國。約以海軍根據地及貯煤所等土地。或租或賣於美國。代償金之數。照海及黑魯蘭所定條約。開河前先交一千萬金圓。嗣後每年內美國交二十五萬金圓。

條約之大旨如此。運河之成。可必期矣。而巴拿馬之風雲。亦遂於以大定。至乎運河成後之利益。暨東西商業之關係。其問題甚大。容異日再詳論之。

(1483)





## 孽海花

## 第一回

惡風潮陸沈奴隸國

直薄倖轉劫離恨天

麒

麟



江山吟罷精靈泣。中原自由魂斷金殿才人平康佳麗間。氣鍾情吳苑。輜軒西展。遽瞞着靈根暗通瑤。怨孽海飄流。前生冤果。此生判。羣龍九。趙宵戰。值鈞天。爛醉夢魂驚。顛虎神營。荒鸞儀殿。關輪爾外交。纖腕大千公案。又天眼愁胡人心。思漢自由花。神付東風。拘管。

却說自由神是那一位列聖。勅封何朝。鑄像何地。說也話長。如今先說出一箇極野蠻奴隸的不自由國。在地球五大洋之外。哥倫波未闢麥折倫不到的地方。是一箇大大的海。叫做孽海。那海裡頭有二箇島。叫做 Holoiv。島譯起中國文。來是奴。

樂二字。中央緯度在北緯三十度之中。經度爲東經一百十度。到是山川明麗。花木秀美。終年光景是天低雲黯。半陰不晴。所以天空新氣是極缺乏。底列位想想。那箇人所靠着呼吸的天空。氣猶之那國民所靠着生活的自由如何。缺得。因是一般國民沒一箇不是奄奄一息。偷生苟活。因是養成一種崇拜強權。獻媚異種的性格。傳下一種怎麼運命。怎麼因果的迷信。因是那一種帝王暴也。暴到呂政成。吉斯汗飛蝶南路。易十四的地位。昏也昏到隋煬帝。李后主。查理士。路易十六的地位。那一種國民頑也頑到馮道。范文程的地位。秀也秀到楊雄。錢謙益的地位。而且那島是從古不與別國交通。所以別國也不曉他的名字。從古沒有呼吸世界自由的空氣。那國民却自以爲是有吃着有功名有妻子是自由極樂之國。古人說得好。不自由毋寧死。果然那國民享盡了野蠻奴隸自由之福。死期到了。去今五十年前。約在十九世紀中段。這 holow 島忽然四周起了怪風。大潮那時島根岌岌搖動。要被海若捲去的樣子。誰知一般國民還是醉生夢死。天天歌舞快樂。富貴風流。撫着自由之琴。喝着自由之酒。賞着自由之花。年復一年。禁不得風潮日蝕。月蝕。到了一千九百零

三年。平白地天崩地塌。一聲響亮。那 holow 島的地面直沈向孽海中。去。……原來這孽海和奴樂島却是接着中國面地。在瀚海之南。黃海之西。青海之東。支那海之北。此事一經發現。中國第一通商碼頭的上海。地球各國人都聚集在此地。都道稀奇。天天討論的討論。調查的調查。禿着幾打筆頭。費着幾磅紙墨。說着此事。原來中國亦有一件稀奇事情。却是爲何。到說中國新近天降下二位自由之神。據做書人的眼光看來。這神那裡是自由。却是一般不自由之鬼罷了。因爲那神的丈六金身已經拚爲自由犧牲去的。然而那全國的人因此哄動起來。內中有箇愛自由者。聞信特地奔到上海來。要頂禮膜拜那自由神。却不知這神在何處。問了一問。訊都像有不敢說的樣子。一日在市上購着一張自由鐘的小報。回到寓處。展開一讀。却是記那新近陸沈的孽海中奴樂島上一段新鮮歷史。到也有趣。讀其文曰。

狀元宰相功名易。才子佳人遇合難。此千古之恒言也。如有備此數種資格。于一人之身。雄艷風流。高華典貴。是可備韻事於無雙之譜矣。若乃耶登金殿。高魁妾占名花。首榜初則錦衣持節。開五洲風月之場。終乃翠羽明璫。醉朝烟水之

夢蘭因。恫。恍。果。離。奇。抑。亦。足。翻。花。樣。於。登。科。之。記。矣。吾人最近發現之奴樂上有地名 Low-Soo 者。東邦才子。南國佳人。統秀鍾奇。後先輩出家懷和氏之璧。人握靈蛇之珠。因是 Low-Soo 城內。凡所謂祖孫會狀兄弟同科。諸佳話不一而足。乃有某君以子晉吹笙之技。值蘭成射策之年。游幕 China 相識。某妓花款近岸。柳暗抱橋。一迴青眼之波。永矢白頭之約。時當大比。某君行囊羞澁。本不願行妓勸之。且助金二百。臨別謂曰。苟富貴無相忘。某君領之。遂去。自是捐棄故業。貯聽好音。某君以一甲一名大魁。天下負心忘恩。竟不迎妓。嗚呼。人情蜀道。世事秋雲。繡鞋有入夢之時。破鏡無再圓之日。跋涉千里。叩邱求見。某使人謂曰。綈袍戀戀。故人之意。未嘗或忘。請倍其數以償。贈五百金。麾之去。妓曰。吾此來爲踐君之約也。雲泥雖判。山海曾盟。豈索金哉。君既薄倖。妾復何言。於是三尺紅羅。一坏青塚。魂歸離恨。切轉平康。某君逾十六年。爲欽差大臣。道歸珂里。娶得一妾。量珠論價。却扇回眸。不期一睹。仙容。瞠目。噤聲。駭魂。攝魄。蓋似曾相識之燕。即無可柰何之花影事。依稀麗形。宛肖始信。斷頭香。藝氣。氤氳。無可散之方。嚙臂盟寒。冤孽兆。再來。

(1488)

之夢。豈非人間之韻事。海外之奇聞乎。

以下尚有洋洋灑灑多少歷史。愛自由者。看到此處。好像在那裡聽得這一段故事。是的。再也想不起來。正在拏着報紙出神。忽聽得隔壁房內有人嚷道。開伙吓！開伙吓！愛自由者不知緣故。吃了一驚。急忙開門出去。見兩箇人也是拏着一張報紙。在那裡聚着頭看。正是。

南朝歌舞鈞天樂

北省烽烟。驚地驚。

第二回 世界強權俄人割地 科名佳話學究談天

却說歐羅巴東部。亞細亞北部。有箇大國。叫做俄羅斯。是現在地球五大強國之一。原來那俄羅斯國。從前也是箇極野蠻的酋長世界。當西歷二千二百年左右。分爲六十四公國。其時我中國北部蒙古種內。出了一箇大酋長。叫做成吉斯汗。是一箇混世的魔王。他生了四箇兒子。第一子名木赤。二子名窩闊臺。第三子名察合臺。第四子名拖雷。那拖雷亦有四子。第四子名忽必烈。就是後來打進中國。登了中國的帝位。要把我中國人殺盡。做了一箇大牧場。我中國史上。猶稱他是大元世祖。聖德。

神功。文。武。皇。帝。的。人。所。以。成。吉。斯。汗。的。孽。種。不。獨。雄。跨。兩。洲。背。負。北。極。之。俄。羅。斯。八。百。年。前。受。他。淘。氣。即。我。黃。帝。子。孫。又。因。這。醜。類。傳。下。九。十。餘。年。不。名。譽。之。歷。史。如。今。且。說。成。吉。斯。汗。他。一。生。縱。橫。漠。北。南。犯。長。城。西。南。窺。印。度。更。以。全。力。逾。高。加。索。山。以。向。俄。羅。斯。屠。慘。之。慘。殆。無。人。理。那。俄。羅。斯。六。十。四。國。中。惟。有。一。箇。奴。威。哥。律。共。和。國。算。是。僥。倖。不。曾。受。他。鐵。鞭。的。打。擊。鐵。騎。的。蹂。躪。那。成。吉。斯。汗。就。封。他。兒。子。木。赤。爲。俄。羅。斯。皇。帝。自。後。約。莫。傳。了。二。百。幾。十。年。至。一。千。四。百。七。十。二。年。俄。羅。斯。莫。斯。科。地。方。崛。起。了。一。箇。英。雄。奇。傑。叫。做。伊。營。第。三。那。人。從。小。就。懷。統。一。俄。羅。斯。的。大。志。即。了。皇。位。并。吞。了。四。分。五。裂。的。小。國。驅。逐。了。蒙。古。光。復。了。先。業。組。成。了。一。箇。大。帝。國。傳。了。數。世。到。了。一。千。六。百。八。十。二。年。復。崛。起。了。一。箇。英。雄。奇。傑。叫。做。彼。得。大。帝。那。彼。得。大。帝。的。母。叫。做。尼。蕭。堅。是。韃。靼。種。人。所。以。彼。得。大。帝。實。含。有。我。們。中。國。北。方。蠻。族。的。性。質。削。平。了。皇。弟。之。亂。鎮。定。了。背。叛。的。軍。士。圓。滿。了。專。制。政。體。勝。了。土。耳。其。覆。了。瑞。典。王。查。路。士。通。了。波。羅。的。海。口。復。和。了。波。斯。內。政。外。交。駁。駁。進。步。那。彼。得。死。這。一。年。就。是。一。千。七。百。二。十。五。年。滿。洲。雍。正。皇。帝。的。三。年。列。位。子。細。那。滿。洲。康。熙。皇。帝。平。定。羅。刹。於。

(1490)

黑龍江上。用兵八年。割了雅薩克城。收了尼布楚城。著了一部平定羅刹方略。就是在彼得手裡。其實所平定的何嘗是俄羅斯人。不過幾箇哥薩克遠征的兵。西伯利亞幾箇酋長罷了。然而彼得遺言則曰。我俄羅斯必開大總督府於阿模爾江上。阿模爾即黑龍江握遠東之海權。不料其言應於今日。自彼得以後。俄國經略西伯利亞。不遺餘力。那外國人殖民探險的政略。本來利害。以探險殖民之故。不遠萬里。於冰天雪海之中。開出貂珠黃金之世界。獨不解滿洲政府所謂王氣發祥。祖宗陵寢的血地。隔着一山一水。看得同甌脫一樣。到了一千八百五十八年（即咸豐八年）那時中國長江一帶。洪秀全的革命軍正在熱鬧。西伯利亞總督姆拉由乘勢一切把黑龍江的北地方。通通割了。到了十年。又把烏蘇里江左右的地方。通通割了。論起光復的理來。那異種人入來宰制一國國民。無論一二百年後。沒有不光復的道理。不但光復。還要殺到他老營裡去。反而宰制他起來。這纔叫爭氣。這纔叫復仇。列位試回味想。我們中國國民是怎樣生的。警都復不得。一日氣都爭不出口。洪楊革命之烈火。漸漸的熱力不加。到了同治三年。金陵破了。隨後捻子繼起。一年又撲滅。

(1491)

了。這是同治五年。那時普天同慶。共道大清國億萬年有道之長。這中興聖主同治皇帝准了臣工的章奏。諭令各直省府縣有鄉兵團練勤賊出力的地方。增廣了幾個生員。被賊匪蹂躪及大兵所過地方。酌免了幾成錢糧。蘇松常鎮太四府一州因爲賦稅最重。恩准減漕其間。蘇州一府的人民尤爲涕零感激。却好戊辰會試的年。成到了。本來一般讀書人。雖在亂離兵燹。八股八韻。朝考卷白摺的功夫。是不肯丟掉。況當歌舞河山。拜揚神聖的時候呢。果然公車士子。雲集輦轂。會試已畢。出了金榜。不第的自然垂頭喪氣。襤被出都。過了蘆溝橋桑乾河。少不得洒了幾點窮愁之淚。那中式的進士。却是欣欣向榮。拜老師。會同年。團拜請酒。應酬得發昏。又過了殿試。到了三月過後。臚唱出來。那一甲第三名探花王文在。是山西稷山縣人。第二名榜眼黃自元。是湖南善化縣人。第一名狀元洪鈞。是江蘇吳縣人。我想列位國民。沒有看過狀元譜。不曉得狀元的出色價值。這是地球各國只有獨一無二的中國。方始有的。而且積三年出一箇。要累代陰功積德。一生見色不亂。京中人情熟透。文章頌揚得體。方纔合配。這叫做群仙領袖天子門生。一種富貴聰明。那蘇東坡李太白還

(1492)

要退避三舍。何況英國的倍根。法國的盧梭。呢。話且不表。單說蘇州城內元妙觀。是一城的中心點。有箇雅聚園茶坊。一天三箇人在那裡喝茶。那白鬚的耆老開口道。我們蘇州人。真正難得本朝開科。以來總共九十七箇狀元。江蘇到是五十五箇。那十五箇裡我蘇州城內就占去了十五箇。如今那圓囑巷的洪文卿也中了狀元了。好不顯煥。那箇中年的接口道。老伯說的是東吳文學之邦。狀元自然是蘇州出產。而且據小姪看來。蘇州狀元的盛衰與國運很有關繫。耆老愕然道。要請教那人道。本朝國運盛到乾隆年間。那時蘇州狀元亦稱極盛。張書勛同陳初哲石琢堂同潘芝軒都是兩科蟬聯。中間錢湘舂遂三元及第。自後嘉慶手裡只出了吳廷琛吳信。中兩箇。幸虧得十六年辛未這一科。狀元雖不是那榜眼探花傳臚。都在蘇州城裡也算一段佳話。自後道光年代。就只吳鍾駿崧甫。年伯算爲前輩。爭一口氣。下一粒讀書種子。然而國運是一代不如一代。底至于咸豐手裡。我親記得是開過五次一發荒唐。了索性脫科了。那時候中年人說到這一句。就伸着一只大姆指搖搖頭。接着說道。那時候敝業師潘伯寅先生。中了一箇探花。從此以後。狀元鼎甲。廣陵散

絕響于蘇州。如今這位聖天子中興有道國運是要萬萬年所以這一科的狀元我早決定是我蘇州人。那下座的少年接口道：師叔僂說的話直關着陰陽消息。參伍天地其實我那文卿同窗兄的學問實在數一數二。文章書法是不消說。史論一門綱鑑爛熟。又不消說。我去年看他在書房裡校部元史。怎麼奇渥溫木華黎禿禿等名目我懂。也不懂聽他說得聯聯翩翩好像洋鬼子話。一般那老者正色道：僂不要瞎說。這不是洋鬼子話。這大元朝我髣髴聽得就是大清國。僂不聽得當今親王大臣不是叫做僧格林沁阿拉喜崇阿嗎？老者正欲說去。中年的忽望着外邊叫聲道：南春兄大家一齊看去。不知那人是誰。且聽下回分講。

(1494)

## 分割後之吾人

卓 呆 著

## 第一回 賠巨款體積驚人 看新聞書生入夢

咳。這枝筆又要做小說了。在下的素來不會做小說的。現在這部小說不得不做。這是有個緣故的。到了末回自然明白。且停下不表。話說我們江蘇有個漢人姓黃名士表。是個念書人。幼時沉溺於八股。後來入官學堂肄業。受過三年奴隸教育。舊年充了一年小學堂的教習。今年沒事。天天悶坐家中。有一天晚上挑燈閒坐。左手靠着火爐。右手拿着一支紙烟。只見那青烟一縷一縷的向上騰去。他的住處雖是蓬牖茅椽。繩床瓦灶。却也十分幽雅。那時這黃士表先生心中暗想道：吾今年又是沒事。怎麼了呢。明年仍舊如此。豈不要把我活活的餓死麼。像我有了這些本領。想必決不致餓死。僂看那懨懨熱睡的天下有大半哩。他們連我這本領也沒有。倘且沒有餓死。就是最沒本領的乞丐。每天討飯亦可充飢。也不致餓死。這樣看來。我比他們好得多哩。豈有會餓死的理麼。心中又改念道：不然。不然。有本領的人很多哩。就從我做學生的時候看起來。我常考殿軍。況且我普通學又不能完全。實在不曉得

(1495)



什麼的。這且不要想他。第一要緊的事。生機。一天難。一天了。東西。一天貴。一天了。這個緣故。到很想不出來。爲什麼這幾年以來。忽然物價各樣的昂貴。叫我們坐冷板凳的。每年得了十八千銅錢。怎樣好過日子呢。想必我們中國的銅錢少了。所以東西就跟他貴起來了。如此說來。難道吾們的銅錢都生了腳不成麼。噫。有了。那一年。義和團起了。這禍各國聯軍入京。後來就和他們講定。拿出四百五十兆兩銀子來做賠款。我們爲何要賠給外國人呢。因爲義和團打了外國人。義和團爲什麼要打外國人呢。因爲我們政府很相信他。那麼這禍又不是我們惹出來的。政府橫捐豎捐。捐得百姓的脂膏去奉給外國人。我也不知道四百五十兆兩銀子有多少。聽得別人說。若把這四百五十兆兩銀子造起一座臺來。若一百丈見方。可以砌三千七百十五丈高。倘在赤道上。把這銀子鋪成一條環遊的馬路。若一寸厚。可以造得二百八十九丈三尺半濶。咳。這許多銀子。那哩去。拿出來。拿了。出去。有拏回來的日子麼。所以一年一年的拏出去。我們就漸漸的窮了。再歇幾年。我們這等人。那有不餓死的。理外國人在內地來做生意的。每年也要掙不知許多錢去。他們收了。我

們不值錢的。鷄毛。破布。做好了。五彩的。氈子。雪白的。洋紙。來賺我們的錢。我們只曉得喜觀。他愛他。買他自己一樣。都造不出來。這利權怎樣能奪還來呢。就是中國人在外洋做生意的。做工的。雖是賺幾個錢。苦也吃得不少。哩。像檀香山他們。借防疫爲名。把我國人住的房屋盡行燒去。公使又不敢開口。政府又不保護。他不像外國人。在中國宛如五道七煞。一般橫行無狀。也不必說了。且說黃士表想了一回。在桌上翻出一張新聞紙來。細細看了一遍。不覺嘆了一口氣。看官。偏道這新聞紙上載的什麼事。就是載的各國瓜分中國。現已決議。我揚子江一帶。本爲英國的勢力圈。現在英國所派之總督。聞已動身。未知確否。士表看完。再拿第二張看。是說北洋有預備開戰之說。士表不覺喜道。有些望了。若能和俄國打了一仗。瓜分的禍也可消滅了。麼。怎麼呢。俄國近年以來。外面看他。雖是很凶惡。很強橫的。那知他的裡面腐敗得比老帝國還要不堪。哩。上下不和。虛無黨。又是在裏面無出其右的。亂鬧。講到打仗。他們的兵連我們的馬賊也打不過。所以現在出了重餉。反招馬賊去做兵。若打死了。橫豎是中國人。俄國人槍炮自己造來。也不夠用。都向德國去買的。

德國好的槍炮肯買給俄人麼。恐怕未必。所以俄國真是如泥老虎一般。看他是。是很利害的。若和他一打。就像俗語說的。拆穿西洋鏡了。士表一個人自言自語。覺得有些倦了。就伏在机上假寐。朦朧睡去。忽覺有人從背後拍自己的肩。回頭一看。見一個老者。鬚髮盡白。穿古衣冠。立在背後微笑。士表忙施禮道。長者何來。那老人道。爾在此悶坐。何不仝爾去遊玩一番。士表道。往那哩去呢。老人道。出門就是了。和爾去瞧瞧亡國的慘狀。士表驚道。敢是吾們的國麼。老人道。不錯。士表半信半疑。呆呆的在那裏想。老人道。隨我來說罷。向外而去。士表就跟着老人出門。出得門來。往右首走去。轉了一個灣。覺得人聲如鼎沸一般。只見許多人圍做一團。在那照牆旁邊。士表和老人也走過去一看。照牆上貼着一張紙。許多人在那裏看。士表走近前去。細看時。却原來都是西文的士表。雖讀過幾句愛皮西地。看了半晌。仍不能懂。只得走出來。與老人仍立一處。聽衆人議論。忽見一個少年。方纔看完。從人叢裏出來。士表把他上下打量了一回。只見他身上穿着一件淡竹布長衫。脚上是蒲鞋面的鞋子。黑襪面架金絲邊眼鏡。手中擎一柄象牙柄洋傘。士表就走過去。說道。請問閣

下那張紙上寫些什麼。那少年道。爾不懂麼。這是英國派來的總督出的告示。他說道。如今這裡既爲英國的領地。爾們有所房屋田地。本來只有滿州政府一張紙頭。做證據罷了。現在既與滿州人無涉。這張紙也無用了。爾們有田地的。速來報明。另行領契。領契的章程。每畝地須印契稅洋五元。限三禮拜過了。限充爲官地。與本主無涉。士表聽了大驚道。這不是活活的要弄死我們麼。一畝田買起來。只要幾塊錢。少年道。但是每年的地糧。倒沒有提起。恐怕沒有的了。老人在旁說道。那裡肯沒有英國人亡人家國的手段。可稱利害了。那地糧這件事。他們一定起初一二年沒有。的。後來一年一年的加起來。窮苦的人自然慢慢的被銅錢天然淘汰。死了不消一百年。我們四萬萬種。可以滅盡的。爾們曉得。那明末清初的時候。麼。四街小巷。地上丟滿的房契地契。沒有人肯拾的。這樣看來。現在的富翁有了萬頃良田。仍舊要出重價。宛如另行再買一塊。一般。豈不是苦了他們了麼。老人說罷。旁邊有個穿紫馬褂的說道。我昨天聽得一句話。比那印契稅的事還要利器。哩。真是叫我們立刻可以死的。衆人听了各大吃一驚。嚇得呆呆的立着。正是

屋漏更遭連夜雨

船遲又遇打頭風

十六

不知那人說出什麼可怕的話來，且聽下回分解。

## 第二回 稅人口上下同窮

做巡捕奴隸仗勢

話說那人道：我有個朋友，在吉林地方做生意。他寫信來告訴我，說吉林地方俄國人要收百姓的人口稅，定的章程是：上等入廿一圓，中等入十四圓，下等入七圓。一年一收，不得拖欠。他又說：僑們那兒英國人也要收人口稅了，但是比俄國還要重哩。上等入四十五圓，中等入二十七圓，下等入九圓。叫我們那裡去拏出來呢？俗語說：石子內榨不出油來。僑想豈不是要逼死我們麼？那少年道：人口稅是本來各國都有的，俄國是我不曉得。英國自己的百姓也是上等入四十五圓，中等入二十七圓，下等入九圓。老人道：這是自然。人口稅是本來各國都有的，各人都要出的。這錢拏了出去，仍舊用在百姓上的便利。百姓保護百姓，所以百姓都歡歡喜喜的拏出來，不少一文的拏了。這錢去給外國人，外國人錢是要拿的，未必肯來便利僑保護。僑了，并且反要壓制僑，束縛僑哩。就像從前滿洲政府要捐房捐百姓，就不願意捐

(1500)

出來有的地方，竟大鬧起來了。這爲什麼緣故呢？因爲百姓不肯把雪白的銀子送給外國人。滿洲政府自己聽信了義和團，釀成此禍，拏賠款出去，他倒又要老着面皮來做經手人。僑們想想看，百姓的錢是容易得來的麼？眞眞都是千辛萬苦奔馳於風雨霜雪之中，方始得幾個銅錢養家活口，尙不夠哩。豈肯濫用一文麼？衆人都道：不錯，那個穿紫馬褂的人道：以後眞是貧富平等了。富的捐得如此，重不久就要變成窮人的。老人道：那些富翁倒也應該最可憐，是那些無知無識的下等入哩。那富翁有了些錢，每天也不做什麼事，只曉得自己吃得好，着得好，吸鴉片煙，又麻鵲是他的消遣法。在外面聽戲吃酒，在家裡陪小老婆，除此之外，沒有事了。若有人勸他拏錢出來開學堂，他就睜大了兩隻眼睛，咬牙切齒的說道：僑是革命黨麼？僑若再敢在此胡鬧，我明天上衙門裡去說了一聲，管叫僑就地正法。那時我就可以紅頂花翎了。僑們想想看，這等富翁有了錢，不肯拏出來在地方上辦事情，願讓兒子孫子他日都去送給妓女的地方。上有錢的不肯辦事，有幾個無錢的人，雖是熱心，每天跳來跳去，做了長久方始成三件事，眞是煩難得很。那知這些狗彘不食的心，

(1501)

十七

紳富反還要破壞他。哩要開民智全靠幾個有錢的人。拏錢出來辦事。民智不開。怎樣能保國不亡。所以弄到今天這樣地步。我也不怪別人。大半是有錢人造成的禍。如今他們和我們一樣。豈不是該應的麼。若當時肯拏錢出來熱心辦事。焉有今日。老人說罷。那人道。從前日本人和臺灣人打仗。也是富翁不好。當時臺灣人倒還可以抵當日本人。後來糧草不足了。勸地方上紳士富翁等捐助。那知這些富翁。不肯捐錢。並且想保守自己的財產。於是反替日本人做奸細。做內應。那時臺灣有了這些人。面獸心的鄉紳。自然不能打勝仗了。不料後來日本兵入了台灣。日本政府曉得這幾個鄉紳本來是很有名的。所以非但不賞這幾個鄉紳做奸細的功勞。反把他們重重的大捐了一捐。張家幾十萬。李家幾百萬。那一個敢不拏出來。老人道。我們江蘇外國人都曉得。是很有錢的。也是很出名的。俗語說上有天堂。下有蘇杭。那知現在是已經窮得不得了了。外面仍舊是華麗。非常真是吾們江蘇人所說描金箱子。白銅鎖。外面好看。裏頭空。所以將來英國人必定要重重的加捐。哩那時就吃了虛名的虧了。俗語說人怕出名。豬怕肥。江蘇人喜歡說大話。到這時候就不

(1502)

敢說了。老人講罷。歇了一刻。即和士表出了人叢。向那邊而走。少年也跟在後面同走。老人問他姓名。少年道。姓楊名慕紐。敝居即在此處。倆們可以來坐坐。那少年一壁說。一壁指着那旁兩扇黑漆門內。老人道。我們還有些事。緩日再來奉候。少年即別了二人。推門而入。士表仔細看時。只見門上大大的貼着一張白紙。上寫着談道處三字。旁邊返有一條狹的黃蠟箋。上寫着英文學社。老人道。這有什麼好看。我們走罷。於是二人仍向前走。士表忽然問老人道。我還沒請教。倆老人家尊姓大名。老人微笑道。我也姓黃。號軒初。是也。的。始祖士表驚道。我怎能看見倆。莫不是我死了麼。老人道。倆也不必細問。到後來自然明白。我今天可憐這四萬萬黃種。要遭永無出身的大難。所以領倆前來看。看士表聽了。不敢再問。心中疑惑不定。一語不發。只得向前走去。走了一刻。士表問道。我出來了。有兩點鐘了麼。老人道。我不曉得什麼。兩點鐘。三點鐘。從倆出門到現在已有四年了。倆的身子在世界上。所以有時刻。現在倆的身了。和世界不在一塊。時刻也沒有了。士表聽了。暗暗驚異。一路行去。只見有一群人走來。行伍整齊。步伐肅然。後面一個英國人。壓着細看這些人。都是面黑

(1503)

如炭頭上把紅紅綠綠的布繞得很高宛如帽子一般腰間都掛着一個木棍士表問老人道。這是印度人麼。老人道。不錯不錯。英國人用他來做巡捕的。備看腰間還掛着一個木棍。哩士表道。前天我有個朋友從日本回來和他談起說日本的巡捕不用木棍。只掛一把刀罷了。並不打人。老人道。豈獨日本各國都如此的待自己的國民。豈肯用這樣的野蠻手段在殖民地。上大約都是如此。士表道。後面的是什麼人。老人道。是巡捕。長士表道。巡捕長爲何不用印度人。老人道。那有此理。印度人是亡國之民。不過做奴隸罷了。有權柄的事豈肯讓他做的麼……咳。印度人亡了。國還可以掣了。檀木棍子立在十字街頭。仗着英國人的勢欺大嚇小。戲弄我們我們的同胞。亡國之後。不要說去欺侮他人。他人方要來欺侮哩。印度人還可以做英國人的奴隸。牛馬我們的人要做奴隸。牛馬恐怕還不容易哩。士表聽了。不覺哭道。如此說來。我們這等人。怎能活命呢。真真只好討飯了。正是

市上吹簫 英雄氣短 播間乞食 壯士心傷  
不知後事如何。且看下回分解。

(1504)



### 雪湖高士楊碩父先生小傳

醒獅

先生楊氏名藝字碩父吳江之雪湖人也。自幼師湖洲松仙精通數學。人有叩者。以隱語對。後輒奇中。或匿其事問之。對亦如響。當明之季。常熟瞿文忠公式耜巡撫廣西。先生以門下偕行。定靖江王之亂。先生有力焉。永歷帝時。文忠以大學士留守桂林。先生參其軍。爲主客郎。桂林破。公被囚。虜供宴。公揮去之。詈爲犬豕食。因絕粒四日。先生適從陽翔山中來。乃備具薪水以奉公。併密致衣冠之具。公受之。而虜之防閑者。竟不覺也。公既殉節。先生麻衣徒跣。入城叩僞定南王孔有德之門。而請曰。楊

(1505)

藝隨閣部瞿老師在粵六年矣。祇緣此頸骨欲收之以報知己。今日事已至此。乞寬大之恩。少盡師生之誼。有德將不許。先生立依于庭牆而哭。四日欲繼以死。有德爲心動。會給事中金堡已爲僧。亦上書請遂聽之。於是先生乃舁棺詣公死所。見公歿血在頸而身首未殊。面儼然生也。爰跪而泣曰。門生在此。老師之目其遂瞑乎。忽公張目如炬。雙睛不轉而神采炯然。先生且悲且懼。摩掌熨目久而始合。潛具緋蟒一襲。金幘頭一事。肅而殮之。權厝于北門風洞山之麓。並爲從殉總督張文烈公同敝具殯殮。瘞諸其旁。當是時。公家人星散。公孫昌文奉公命詣梧州行在。進萬壽表聞耗奔喪。梗于道。先生踪跡之與遇于剪刀。告其事。且以虜勢盛欲俱趨桂林。不得達。欲下梧州。又慮有邏者識之。將挾以媚胡也。進退踟躕。四顧荒子叛奴背逃。賈糧垂絕。荒山匿影。懼勿敢出。蓋先生于此又幾經籌策焉。泊公有營弁王陳策。媚賊帥李養性。劫公家屬及昌文去。大索貨賄。先生立叱釋之。卒護昌文還鄉里而已。亦隱居雪湖終其身。後瞿氏既安定。感先生高義。乃曰。是不可以無報也。以公女配其子云。

異史氏曰。余讀公子元錫庚寅始安事略。及行朝劫灰諸錄。而歎公成仁之烈。就義之勇。以爲人盡如公。大明三百年之國祚。未必遽爲胡虜斬也。天禍中國賢臣盡亡。失節隳行之徒。方且鑽附腥臊。不屑薤髮垂辮。以奴隸于八旗賤種之下。甚至喪心病狂。如王陳策輩。乃敢倒行逆施。冀賣公以爲快。嗟乎。痛哉。世道如斯。人心難問。舍義烈如張別山。外孰有能眷戀忠魂。徘徊不去者乎。乃先生獨敢不避艱險。收殮其喪。始終翼護。俾無遺憾。張公好爲其易。先生竟踐其難。方之前哲。洵可謂有程嬰杵臼之風矣。抑吾聞之。同時有蘇兆人者。字寅侯。亦吳江人。當乙丙閒。師事閩撫張公肯堂。佐其幕。爲儀部郎。翁洲城陷。蘇以絕命詞詣張公。請先公領之。爲取卮酒。酌其尸。而後自殉於雪交亭中。嗚呼。神州陸沈之日。正士君子砥礪名教之時。乃舉世方波靡而吾松陵先達其維持風義。使不至掃地以盡者。竟無獨有偶焉。然則居先生之鄉。聞先生之風者。其曷弗喟然而思。慨然以興哉。



這恨怎平 有皇

天作證 從今後

戮力奔命 報國

讐早復神京 報

國讐早復神京

(1508)

# 英雄逸話

## 華盛頓與兵士之愛情

英美戰爭之時。美舉華盛頓爲大元帥。一日晨。華獨自出外。呼吸新空氣。身服外套。而掩其元帥之制。服故雖本營兵卒。亦莫能知爲何人。偶至一處。有一伍長偕數兵士築一胸牆。兵營中用物以木爲之其高及胸將成矣。最後一木過重。兵士力竭。不能再舉。而胸牆亦幾欲墜地。伍長呼曰舉！用力舉！而束手不之助。華盛頓見而憫之。趨而助之。以臂兵士等舉手謝之。然終莫知其爲何人。華盛頓乃問伍長曰。汝爲何不助兵士用力。伍長曰。汝不知吾爲伍長乎。華遂去其外套。而顯其元帥之制服。曰。汝不知吾爲大元帥乎。後如再有若此之重木。而兵士不能舉者。可呼我助汝。

## 弗蘭克令之幼時

當弗蘭克令七齡之時。其母及兄與以錢數枚。彼得錢後。即趨往市中。思購已所酷好之物。徜徉道上。久之無當意者。適一童吹笛而過。弗蘭克令見之。喜曰。是即吾所酷好之物也。乃趨往賣笛處。傾其所有與之。而不問其價。既得笛。欣然以爲得計。且

記言 說苑

五

(1509)

V. Y. C. 生

行且吹歸至家。適其兄在門外。見其笛。問曰：汝以所有錢盡與之乎？曰：然。兄曰：一笛耳。何昂貴若此？以如許之錢。非特可買一笛。且可購種種之食物也。其母曰：汝欲購物。應問其價。弗蘭克令知已受人欺。乃大哭不止。其母慰之曰：兒勿爾爾。後當盡力讀書。勿再以極多之錢。而祇買一笛。自是而後。弗蘭克林每記其母之訓。以自勉。嘗曰：若以極珍貴之光陰。而作爲無益之事。則豈非與買笛事同類乎？其改過之不容。如此。

### 弗蘭克令之奇遇

弗蘭克令漂泊於費拉特費之時。囊中僅存一弗一先令。其窘迫之狀。殆無異于乞丐。污身垢服。爲人唾棄。一日手一麪包。在朴開得大道中。且行且食。適有一少女名梨特者。倚窗眺望。見而奇之。曰：此非常人也。今雖窮他日。必爲世界之英傑。遂禮于其家。而以身許之。

### 加里波的之樸實

伊太利建國三傑之加里波的。遊于英國時。夜寓于某家。其主人饗以厚宴。彼辭曰：

願得麥酒一瓶。與麪包牛酪獨食。室中足矣。明晨。僕人往其室中。彼適不在。尋之則方獨自彷徨于園內。僕人告以早餐。彼曰：余已盡畢。昨日之殘膳足果吾腹矣。其真實之風。誠有非常人所能及者。

### 拿破崙之末路

拿破崙被放于聖德海勒島後。島中知事海特崙遇之異常苛刻。且令監守者勿從其命令。自歐洲來之書狀。必先于途中開閱。不特此也。即平日拿破崙與其從者或島中人談話。亦必禁止。故當時拿破崙之抑鬱。誠不堪名狀。初尙散步于外。藉以運動。後則竟至鎖閉一室。以至于死。嗟乎。項王自刎于烏江。拿破崙老死于絕島。英雄末路。古今同慨。然項王不肯辱于漢兵。而拿破崙甘自困于海國。其慷慨激烈之慨。不及項王遠矣。

### 亞歷山大之禮士

亞歷山大征服希臘。自爲希臘之大元帥時。諸府之將校官吏學者皆來賀。車馬塞途。獨西惱布之代屋改乃士不來。

代屋改乃士者。當時之大哲學者。居于可林。無家室。妻子衣服襤褸。日生活于桶中。奇人也。亞歷山大慕其名。與從者自往訪之。

代屋改乃士見車馬紛紜。冠蓋接觸。徐起。出其身于桶外。熟視良久。無一語。王揖而問之曰。先生。今何所求于世乎。代屋改乃士曰。余無所求。惟願汝輩少退。勿遮我日光。遂蜷臥如故。侍臣皆怒之。王歎曰。吾不如也。咨嗟良久而去。

# 文苑

讀史界鬼塵錄感賦

亞 盧

嫁夫嫁得英吉利。娶婦娶得意大里。人生有情當如此。豈獨溫柔鄉裡死。一點烟士披里純。願爲同胞流血矣。請將兒女同衾情。移作英雄殉國體。

私產

私產已成專制國。太阿況復倒持時。文明形式諸公誤。獨立精神幾輩知。燕雀處堂笑鴻鵠。豺狼當道睨狐狸。一輪熱血千行淚。世界蒼茫欲語誰。

駐足

駐足不堪尋大地。舉頭何處問蒼天。湖山清夢如前日。詩酒閒情憶比年。兩字文明今已矣。一鞭殘照總淒然。可憐一掬傷心淚。潦倒新亭濁酒邊。

七月三日寄懷次公

秋來忽忽已三日。人去迢迢又一年。謝客才名遭世妬。楚囚心緒有誰憐。胸中塊壘

文苑

君難吐天下英雄我亦賢。世界滄桑應有約。他年同上舞臺前。

思想

思想嗟無賴。神州袖手時。愁多唯有淚。才盡不成詩。斫地渾無力。呼天奈不知。自憐心未死。安敢學行尸。

歎息

歎息史公傳。東亞俠少年。報仇燕市血。濯足瀧頭泉。意氣千金劍。馳驅七寶鞭。頭顱輕一擲。生死自豪賢。

月夜寄懷蘇獅

現身病國同悲憫。萍末相遭青眼看。大好頭顱羞對鏡。幾多心緒勸加餐。舞臺未演驚人劇。夢境難忘握手歡。愁殺亞洲好明月。無人同倚玉闌干。

歲暮述懷

劇憐過去蒼茫事。墜落人寰十六年。二十紀初多病國。三千界外有情天。銷磨壯志班超筆。磊落奇懷祖逖鞭。大地河山今若此。豈容孤客獨長眠。

思想界中初革命。欲憑文字播風潮。共和民政標新諦。專制君威掃舊驕。誤國千年仇呂政。傳薪一脈拜盧騷。寒宵欲睡不成睡。起看吳兒百鍊刀。

說法昔曾推一佛。論交晚乃得群雄。腦球遍樹平權幟。耳界恍聞獨立鐘。休詫人言多藉藉。最憐天意亦夢夢。何時濁飲玄黃血。壯劇重開亞陸東。

黃金虛牝付蹉跎。塵海浮沉歎逝波。儘有醉人疑獨醒。唯憑道力戰群魔。華年二八韶光盡。故國三千感慨多。鐵血犧牲成底事。男兒枉說好頭顱。

偶占

保羅心事盧梭淚。慷慨悲歌誓國殤。一聽陽秋到茶肆。狂泉飲後笑人狂。

題精忠柏

半壁江山賸一枝。胡塵滾滾黍離離。佇看恢復神州日。此是中原紀念碑。

癸卯仲省北闌鄉試新樂府十首

江北解嘲人

槐花黃遍黃河邊。試車碾破秋隄烟。去歲鄉闈僥倖多。恩科又喜開今年。廩增附爭著鞭捐納捐。

雷聲殷地雲沈沈。出門到處逢秋霖。水淹馬腹泥沒轂。平地行潦三尺深。雨。又。來。不。可。禁。淋。遇。雨。

手把文書頂纓帽。國子堂前來驗照。歪文一幅錢四千。此係親身非頂冒。君不信。請。考。校。到。投。到。

抱槩提籃趾相屬。公等誰人甘鹿。鹿況涉千山萬水來。奇才忍使遺珠玉。一再收恐。不。足。錄。錄。科。

玉版金符兼秘牒。非是時文非試帖。新聞之紙東洋書。疊疊重重堆滿篋。腹中學此。閒。接。挾。懷。挾。

曾王韓柳與蘇歐。歐羅亞細兼墨洲。古文時務靡不通。鏗鏘經義尤無儔。索枯腸盡。力。搜。謫。作。文。

監臨咄嗟試官樂。一生不盡吃與著。目迷五色腦冬烘。此輩那曾精選擢。問如何暗。中。摸。閱。閱。卷。

大名高標壓萬衆。燕雀變作雲中鳳。君皆墮地我升天。此是天擇兼物競。風乍搏。壑。

始縱中式

秋風淒其意蕭索。六州鐵不鑄。此錯棄置真如刀劍傷。遨遊那有嫦娥約。如之何不。可。說。落。落。第。

龍蛇起蟄風雲轟。環球百鬼來擲揄。燕巢將傾魚釜沸。薰心富貴胡爲乎。名利癡。歐。美。奴。吁。感。時。

## 內國之部

祝川漢鐵路公司之成功

四川紳商。懼外人占據我路權也。以資本五千萬兩。成川漢鐵路公司。內一千萬兩由發起人担任。一千萬于四川省內招股。餘三千萬兩于上海廣東漢口殷盛各港募集。期以五年竣功。預定線路延長四千餘里。自漢口起。經宜昌巫山雲陽至萬縣。繞重慶過大足內江資陽簡州達成都府。此為幹線。自成都分二線。一至西北灌縣。一至南方叙州之富順。此為支線。英人聞之。百方為之沮撓。然當事者銳意興辦。決不至再借外資云。

觀于此。我不得不為中國前途賀矣。自甲午以後。勢

時評 內國之部

時評



力。範圍之論。出各國爭握經濟上之實權。以求逞其他日之大欲。而滿洲政府之視我土地也。若家產。然朝贈其北。于俄。夕貢其南。于英。本部十八省。幾無完土矣。試一展亞東新地圖。見有赤黑線縱橫區畫于其上。若蛛網然者。孰非我全國之筋脈。而為外人所握者耶。雖然。彼滿洲政府何足責。所可痛者。四百兆人中。不乏資本家。經濟家。終無一人出而盡其主人翁之天職者。又何怪西人日以無愛國心。詬我國人乎。今而後。中國有鐵道。今而後。中國有川漢鐵道。吾乃研墨振紙。祝川漢鐵道公司之成功。

諸君亦知四川之位置耶。四川者。揚子江之上流。南接雲南。西近西藏。而金沙之產出地也。雲南與安南為隣。西藏與印度接壤。故英人得之。可以自印度穿西藏。據上游之勢。以爭東南。而制我東西各處之死命。法人得之。可以與安南連絡。一氣以擴張其勢力。



于西南而與英人爭江漢之權利則此鐵道固不特關於四川全省之安危實揚子江流域生死之關鍵今一旦有川漢鐵道公司爲之經營是不啻鳴鼓執杖逐外人于境外而起死人肉白骨也川人乎川人乎可謂無負國民之責矣。

吾更有一言爲我國擁厚資者勸焉川漢鐵道者揚子江交通之關鍵而非特四川一省之利也故凡爲國民皆有助其成功之責况鐵道者又一國大利之所在而鑛山開採之先聲乎四川金沙之富實可爲本部中首屈一指則他日營業之利不言可知與其終日奔走放小債開典當以求什一之利何如出其積蓄保我國權而并享他日無窮之益耶不然則四川一省財力有限資本不足終歸失敗絕大利權復歸于異族之手而中國無興復之一日矣彼擁資本厚自奉者其能久乎其能久乎。

否則川漢鐵道公司萬歲中國萬歲

#### 浦澤鐵路之計畫

嗚呼浦口澤州之鐵路又屬他人矣諸君諸君亦知有握南北交通關鍵之蘆漢鐵路乎滿洲政府以其敷設權讓之于比利時也實俄法爲之運動故英人深忌之而無如之何今由北京新帝開德公司與盛宣懷協定自南京對岸之浦口至澤州之鐵路歸英敷設以陰爲牽制嗚呼自蘆漢鐵道之成立而湖北河南直隸之命脈死而揚子江黃河流域之勢力擴充然東部之影響猶間接而非直接也今澤州浦口之役又見告矣彼滿洲政府固視此區如敵廬我同胞之踐是土生是邦者其亦猛省耶。

我有一言告諸君曰外人已得之路權已成之線路非經大破裂固不能還至若外人將得之路權將設

之線路則我可以奪其利權于反掌不見夫川漢鐵道乎英人之集全力于此也非一朝一夕之事矣乃一旦川省紳士奮然自立設公司募股分拒絕外資英人亦瞠目相向無如之何也竭四省之力以從事夫豈川省之不若而甘聽他人之窺我臥榻間哉亡羊補牢見兔顧犬非我國人之恒言乎數典忘祖不亡何待

#### 滿洲政府對東三省之舉動

日俄協商之延期開戰之聲轟動夫全世之耳目滿洲政府亦放其寸光之目以窺東亞之天地見陣雲戰雨將壓黑龍江而下也懼不能免兵燹之禍躊躇再四乃宣告中立以求自立于不敗之地未幾又通牒于各國公使勸其調停英米公使乃以不易調停答之滿洲政府憂甚而無可如何夫滿洲政府之舉動果審度世界大勢而毅然出此

不可搖撼之政策耶曰是不過老佛爺及高等奴才恐懼之心及畏禍之心交呈之現象耳彼固不問領土之有無國勢之強弱國體之得失止須保守北京城內頤和園之方尺地優游休養以樂餘年足矣他非所知也今若日俄開戰波及北方則金玉珠寶花天酒地之樂土且一旦與劫火俱燼陷庚子之覆轍此則其所日夜恐懼而不知所出者也偶聞萬國公法有宣告中立之條件欣然以爲可以置身事外亦不顧其爲如何適用之方法及合乎今日之地位與否而大聲疾呼以乞憐矣其後調停之提議實亦恐懼之餘輟而無足怪焉者也

雖然中立宣言者第三國之義務也今日之中國果局外國否耶日俄之戰場不言而知爲滿洲之大野則中國今日實二強國之目的物而非可以自立于第三國之位置也明矣今有二虎爭一羊以相觸者

其羊恐觸二虎之怒也。聲言我無所偏袒且勸其勿爭。彼滿洲政府者其竊此羊之餘蔭者乎。推滿洲政府之意豈不以滿洲一地已爲俄有其得失非所知乎。然而強弱肉食之世界失于彼者每得償于此他日者戰事之既終俄人勝則日人將洩其忿于南方日人勝則俄人亦將取償于北地左之右之中立者皆不能不受其咎又焉能如滿洲政府之夢想以了事耶。且黃海海港不可無軍艦以防敵軍之偷入否則受戰爭國政府之責問而負中立國之義務。今山東直隸諸海面能保俄人之不駐足乎。則不特不能瓦全于既戰爭之後并不能保平和于將戰之前。謂余不信請觀于日人之輿論可以知矣。初電至東京日本各報多表同意且爲嚴正中立之期望。未幾韓國亦效滿洲政府之故智。宣言中立。于是日本輿論爲之一變。有論同盟之利益者。有言中

立之無効者。紛然羣起與前日判然若兩人矣。若是者何哉。中國中立利于日而不利於俄韓國中立利于俄而不利於日其議論之趨向一視其國之利否爲轉移故也。松村介石曰「戰時公法尙不能適用於未開國」是言也。我痛之我尤信之。

然則彼欲依于愛新覺羅氏之肘下以求旦夕之安者可自悔矣。彼滿洲者非所謂太祖太宗發祥之地乎。今一旦有事且不惜舉其祖宗邱墓之地拱手而獻之于其朋友况十八省之奴隸產業而獨吝之哉。苟瓜分之圖一旦達于彼犬羊之天聽則我輩揚子江流域之人民不知爲何國博覽會之陳列品矣。嗚呼我同胞其狂省嗚呼我同胞其狂省。

#### 西藏之危機

英兵入西藏後頗爲世界各國所注目。今由于英領印度最近電報英陸軍大佐楊哈士邦率遠征隊入

藏其目的欲占據西藏關鍵之春碑(?)進侵距拉藏百五十哩之槍加然後告西藏政府締結條約據十二月十九日倫敦電報英兵經哈日列布峙其地方官吏無力抵抗遂表形式之和親迎大佐入城。未幾有春碑占領之報告有駐藏大臣談判開始之報告而英人之目的欲以楊德湖以南一帶歸英領屬或于必要之場合印度尼保爾及西藏協力抗俄非此全部之實行必不能撤兵云云。

率兵之楊哈士邦大佐不僅軍人實冒險旅行者也。富于機才有名于英國社會。一千八百八十六年旅行于滿洲翌年自北京由陸路至印度一千八百九十五年爲倫敦泰晤士報之特派員與氣德拉之遠征後又從事于脫蘭士哇見及勞帶夏(英領南非)之役其所著「大陸之中心」東洋旅行記「今日之南阿」諸書頗膾炙人口云。

英人之于是役也以牽制俄事援助日本爲名。各國輿論多公認之。雖然此豈足以知英人之真相哉。請一觀其過去之事實而後言英人之野心。

去年六月俄人利用滿洲事件欲以西藏交換滿洲。有割取連接與都克士山之大部分之風說。英人大憂之。百方爲之反對。蓋俄人充其勢力于西藏將由藏入西北部以與法人雲南鐵道連絡不僅足以阻英人自印度緬甸入中國之路且有他日俄人掠取印度之恐。此英人所日夜憂慮而不肯告人者也。故泰晤士新聞于其社說(一千九百〇一年六月二十七日)鼓吹英俄交換利益主義時事變遷星霜再易。至于今日俄人之于滿洲跳梁日倍于昔。英人利用此時機以滿洲餌俄而陰肆力于西藏又復巧爲口實以欺世界之耳目不然極東問題之遷延英人猶不肯傷俄人之感情而履行日英同盟之條約。

者夫豈無故哉

夫英人果欲牽制俄人乎則莫若乘巴爾幹之翻亂毅然投身于其中或助土政府或助布爾加皆足以動俄人之注目而有餘今不肯出此而遽出兵掠崑崙之高原其用心之深政策之狡有不得不令人歎服者矣蓋英人恐妨害西藏之勢力故不急求滿洲問題之着落以留餘步又恐其自北而南不可復制故又結日本以障其成功然後坐觀成敗運東亞之天地而利用之雖有智者亦無如之何也彼希望日英同盟以保全中國者其亦一觀世界之大勢而自醒其醉夢也哉

## 外國之部

各國對滿洲問題之舉動 (社說及大勢要有)  
嗚呼東亞風雲日迫一日瓜分豆剖禍不遠矣今日

俄雖尙無宣戰之書而危機所在間不容髮黃海砲聲已聞遠近凡我國民其知之耶其不知之耶苟知之則當奮然興起以雪我國恥其不知則請費數分之日力以觀各國今日之態度

(一) 日俄交涉之始末與列強之舉動

自西歷去年十二月十一日日本政府下解散議會之命俄使羅昇以本國之回答送之小村外相其回答之內容雖無由知而十三日俄國政府機關報之「惱外吾列米亞」新聞表發俄國政府之意思曰「俄國政府以滿洲案件止俄清兩國之關係日本政府無可以干涉之理至於朝鮮之方面就日俄相互之利害與日本政府協商已爲重大之讓步但半島之政治日俄二國有相互之權利」由是觀之回答之內容不能滿足明矣十五日英國開內閣議會討論極東問題十六日日本開元老會議于舊相

六

意。

邸十七日開臨時閣議適羅昇公使有耳疾不及協商而日本政府于此日午後發訓電于駐俄日使栗野十八日復開臨時閣議二十日參謀部及陸軍大臣訪山縣伊藤二侯于大磯是日倫敦電云「外交社會關於極東之形勢大爲憂慮俄國對于日本最近之通牒大加駁議日本固不能承諾之云」二十一日小村外相訪俄使于臥榻告以日本政府之意十二月二十五日日政府復開臨時閣議命栗野公使督促最後決答之迅速蓋日本政府知事不足恃使督促最後決答之迅速蓋日本政府知事不足恃雖未拒絕交涉之繼續然對于滿洲之實勢極力爲防衛之舉動而日本郵船會社大阪商船會社及其他船舶皆靜待命令以供赤十字之用而二十七日樞密會議之開遂有二十八日緊急勅令支出之公布(第七期大勢日俄開戰之先聲參看)

時評 外國之部

緊急勅令公布以後英國新聞頗憂時局之危殆然德法各報仍倡平和中立之說蓋兩國新聞皆爲俄政府所左右其所主張不足深信時局日迫戰備日急伊太利所造軍艦二隻日本以百五十萬磅得之改其名曰日進春日適巴爾幹形勢暫歸平穩俄人于近東無後顧之憂而戰雲益汲汲矣

俄人于日本之通牒常曠日持久延其回答之日期蓋在舊時日以修戰備也惱外吾列米亞最近之社說有言曰「刻下俄國若戰固可以保持利益然尚有萬一之缺陷即極東兵備之實力比較的薄弱是也故于極東不能爲示威運動以刺激列國若今日駐三十萬兵于滿洲二十隻戰艦于旅順日本將屏息不動列國亦莫敢異言矣」觀于此可以知俄人之實情故近頃以來移動其兵士于陸增派其船隻

七

于海。俄帝復以勅令命極東總督爲大將授特定之將旗。與以受十二禮砲之權。以恐懼日本。

然日本政府既發十二月廿一日之通牒。仍持從容不迫之狀態。而一月三日。小村外相訪英使馬克德。會談良久始出。遂開秘密會議。次日發令各報。關於海陸軍之行動。非經陸軍大臣許可。不得記載。

二月六日。外相小村復訪羅昂于使館。蓋俄國回答之到着也。據伯林電報。俄人關於朝鮮承諾日本之要求。然俄人提出新要求。欲開談判于聖彼得堡。俄外相列米亞亦曰。日俄交涉之議題不在滿洲。而在朝鮮。俄國政府願與日本協商平均其勢力。俄占北韓。日占南韓。兩國交涉可結其局。然則俄人之回答。不過欲挑日政府之怒耳。日政府明知其意。忍耐一切。徐修戰備。以待時機。當是而時。歐洲各國輿論爲之一變。英泰晤士報倡言。若戰爭起

英人不可不履行同盟國之義務。蓋二國方針。已爲世界所共知矣。

未幾而日清通商條約批准。滿洲開放之聲。益轟動于世界。然日俄交涉。尚未解決。十二日巴里電云。俄國新聞。毫不讓步于日本。而俄國官吏社會。尙望平和之維持。尙望平和之維持云者。蓋期日本之屈服也。雖然。此豈可能事。說是日倫敦電云。德奧伊三國于日俄戰爭之際。守嚴正中立的態度。而英首相巴爾福演說極東事件。發表同意于日本。謂無論何日。英國必盡同盟國之義務云。

于是美國大連灣領事。通牒列國。謂合衆國確守門戶開放主義。有功支那領土之保全及行政之安固。俄人懼各國之責言。乃于新年式告美國公使。俄國決不阻害在滿洲之權利。實則俄人戰備日急。俄帝發長電于極東總督。總督開秘密會議于其

邸。復返電于政府。日本亦于十六日召集大藏諸吏。就于軍資支出。特設專官。

十七日倫敦電云。俄國要求日本之條件。有五。

(一)日本于朝鮮得種々之讓與。(二)日本從利益上之必要。得于南韓爲經濟及軍事之經營。(三)俄國于北韓與日本以商業之自由。然不得于海岸及內地保有永久之城塞。(四)設定三十哩中立地于鴨綠江及圖們口之沿岸。日俄兩國不得築城塞于此地。又朝鮮海峽。永久中立。俄人有通航之自由。(五)俄國于滿洲不承諾一切之條件。俄國舉動如此。日本政府固絕對拒絕之。未幾大藏大臣招待都下有力之銀行家于官邸。告以「一朝開戰。一年至少四億萬圓(即四百萬萬圓)之戰費云。

日本之最後通牒。其內容見二十日倫敦電報。可以知其厓畧。據倫敦泰晤士報所探知云。日本送俄

國之通牒。表示其最後通牒之旨。要求俄國承認中國之滿洲主權。又否認韓國中立地之設定。而在

其時日俄國之回答。未來日本之戰意。已決遂于二月八日發談判斷絕之通牒。小村外相以外交始末通告各國及新聞社。明日俄使定回國之日期。栗野公使亦于是日自聖彼得出發。十日遂有開戰于仁川(韓地)旅順捕獲俄艦之報。

#### (二)各國兵士之入京

時局不穩。朝鮮首當其衝。美人先以兵入韓京。護衛使館。韓帝亦以韓兵周圍王宮。一月八日。英海軍廿二名自仁川至京。其夜俄海軍四十七人入京。九日伊國海軍廿一人。士官一人亦入京。是日俄艦比理昂之海軍四十六人入京。十一日俄士官二名兵廿六名入京。十二日士官三名兵四十九名入京。十五日夜美兵六十四名士官二名入京。十六日法海軍

三十九名士官二名入京。十九日英海軍十四名下士一名入京。而俄兵入京總數。務期與日本相埒云。

### (三) 朝鮮中立之宣告

今年秋。玄尚健奉經俄國赴歐洲之使命。蓋實欲借兵于俄。且就于朝鮮。永世中立之事。一探列國之意。雖列國不與其同意。而韓帝之希望。終不能絕。適日俄開戰之聲起。滿洲政府爲中立之宣告。韓帝不知戰時中立與中立永久之區別。大有羨效之傾向。而李容弼等益稱道中立之利。遂于廿四日。宣告各國守嚴正中。立之政策焉。

嗚呼。日俄之有今日也。共定一朝一夕之事哉。自甲午以後。遼東附還之約實爲其遠。因近年以來。雖婦人女子莫不知俄羅斯之可惡。而願以一死相見。故某師團出發時。其父兄子弟送之行。皆歡天喜地。祝帝國之光榮。握手告別。一語不及家事。以視吾國之

聞從軍而痛哭。臨戰地而逃亡者。其程度爲何如哉。我國人士觀國家若朝廷於其存亡危亂。漠然于心。故他人殺我人民。而不知痛奪我土地。而不知恥奄奄一息。生存于大陸中。其心死久矣。今日俄之事。非特普通國際之衝突。實黃白人種之大競爭也。我國人其驟然興起。挾白刃馳怒馬。來往于水天雪地之戰場。而逐斯拉夫人于黑龍江外乎。人而無恥。不知其可也。觀日人今日之國情。而猶視然自甘者。吾知其非人矣。

吾更爲一言以醒稱道中立者之夢焉。不觀夫朝鮮乎。不能早自振拔。以有今日。乃欲持區區中立之名詞。以求免于鎗彈砲雨之下。豈可得哉。中立之電至東京。日本有力某新聞論之曰。『韓國者。日俄之目的物。而非局外第三國也。且彼不能拒俄兵于鴨綠江外。則彼已失中立之態度。日本即可派兵于南韓。』

其中立亦歸無效。試問中國今日何以異于朝鮮。中立之效力。又何以異于朝鮮。則他日戰事之告終。實瓜分問題之起點。茫茫大地。豈復有吾族託足地乎。及今不圖後悔。無及吾言。及此我心忤忤。

(此稿皆據各新聞記載立論。故與事實或有出入。可與大勢日俄交涉顧末參看)







調查錄

以上均官設。

蒙學同。

河下蒙學堂

以上五蒙學。々額經費均與射陽

城西蒙學堂

城北蒙學堂

城東蒙學堂

城南蒙學堂

用費百貳拾千文。由義學支取。

射陽蒙學堂 在射陽校士館學額二十名常年

費二百千文。由義學支取。

高等蒙學堂 在徐節孝祠。學額二十名。常年用

(二) 書院。  
(三) 寺院罰款。

經費貳千伍百圓。支取分三部。  
(一)糧串捐。

學校及書院 共十二處。詳列於左。

山陽小學堂 在奎文書院。學額八十名。有常年

阜豐商業學堂

在觀音寺學額四十名。每歲需

用捌百金均歸上海阜豐公司承認。

英文研究社 學額二十名。常年需用四百元。由

來學者公認。

以上均民設。

射陽校士館 在西門。有常年經費壹千伍百圓。

奎文書院 在文通寺東。有常年經費貳千圓。

合計各學堂書院共有常年經費陸千餘金民

立兩處不在內。○淮安中學堂由「屯田」「書

院「串捐」三項已籌得常年經費貳萬壹千

餘金。至今壹年餘。尙未開辯。

山陽縣學々額二十七名外撥入府學者自七名

至十二名不定。學田六百餘畝。其餘有公款數項。

詳列於左。

一賓興費 係鄉會試用費。每三年有貳千伍百

各鎮教堂表

[illegible]

# 淮安山陽縣調查稿

# 山陽之教育

圓。由田租典息二項。

一大青雲會 係會試用費。每三年有貳千圓。由田租典息二項。

一小青雲會 係撥府學額費共有貳千餘金。存各典鋪。

一考棚 係修理察院費。有銀壹千伍百兩錢壹千肆百貳拾貳千。存山鹽各典鋪。

山陽人之智識。尚未開通。合計在外游學及稍知普通學者尚不足三十人。其餘則無不迷於科。舉聞書肆人云。今歲榜後各省闈藝出售者。已不止百部。此亦可見人之重科舉矣。尤可異者。當九月中旬有柳某於易簣之時。猶呢々自語曰。『放榜放榜。數日即放榜。』及柳沒。後鄉先輩聞之。莫不憐其志。以其語勸勉後生。嗚呼。山陽鄉先輩勸勉後生之目的。如是如是。

### 山陽之實業

山陽地勢平沃。溝洫流通。極便種植。合計每年收數春季約居十分之八。秋季約居二十分之七。豆約居二十之三五。粟約居二十之三五。花生約居二十之二五。山芋約居二十之二五。其餘雜糧共居二十之一。至於蠶桑一事。則以土質太鬆。不甚合宜。計東門外有桑田三十餘畝。畝下關有桑田十畝。均不見茂盛。南門外大教場地近擬植桑種棉。尚未議定。茲將種植田價租錢。亦有完納實租不收現折算錢。三事之區域列表於左。

口一路	南門外洞	種 植	
		每畝田價	每畝租錢
禾	稻	自十千至	自一千至二
	麥	貳十五千	自一千五百文
六	自二千至	自三百至八	
	百		

(1534)

西鄉		山一帶		北鄉鉢子		北一帶		東北鄉極		東門外洞 河北市河		河南		東門外洞	
蘆 芋	稻	豆	麥	山芋	花生	豆、粟	麥、	稻、豆、粟	麥	自十千至	自一千至				
自五千至 八千	自五千至 十千	三十千	自十千至	十千	自二千至	二十千	自六千至	二十五千	自十千至	自一千至					
自四百至 一千貳百	自五百至 一千五百	二千五百	自一千至	一千五百	自三百至	二千	自八百至	二千五百	自一千至						

山陽於製造試驗場。均未興辦。凡下等社會之人。除耕鑿而外。以手藝為生者。約十之六七。計各業匠人每日價工至大不過二百文。若女工之為傭役

調查錄

者工價之賤。乃至一日得七八文。民生之苦。亦可知矣。

### 山陽之經濟

積穀倉在三台閣。有額稱貳萬石。數年前為司事某侵蝕。今則僅有錢而無穀焉。每歲解司銀九千五百八十七兩。米一萬六千九百石。雜稅銀五千四百四十兩。

### 山陽之風俗

俗尚儉樸。重保守。賤逐末。衣多用布。日用極省。中等之家。每日用不過數百文。於飲食一事。頗極研究。既甚適口。與衛生又極相宜。在我國蓋僅少云。

人情重去其鄉。性柔順。食祿素封之家。不買女奴。即有養女。必善遣嫁。

婦女尚貞節。罕出游治。惟纏足之風最甚。天足行於

(1535)

# 總經售處 上海棋盤街 明權社

## 分售處

上海望平街 棋盤街恒德里	蘇州 元妙觀西東來書莊 元妙觀東開智書室 察院場 知新書室 宇記書室	常熟寺前街 海虞圖書館 道場巷務實學堂 崇安寺 兩利利齋 打鐵橋 智羣書堂	無錫 新羣社 汪子衡先生 啓新書局 夫子廟明達書莊 開通書報社	常州 嘉定困橋 南京東牌樓 揭州轅門橋 新勝街 華瀛公社	淮安府城內八字橋 海門茅家鎮 鼎昇號 恒泰昌 兩宜齋 史學齋	松江 珠涇鎮 三橋趾 總派報處	杭州
-----------------	---	---	--	---	---	--------------------------	----

寧波 日新街 倉橋街	紹興 平湖	安徽省城 江西南昌馬王廟後 湖北武昌	湖南省城 四川重慶 四川成都 青石橋 文門後街 玉紗街 草市街	山東省城 河南開封北門大街 廣東省城雙門底 大馬站	日本 神戶北長狹通三丁目 目番外十七番屋敷 橫濱山下町二百四 十番地振華方	愛惠八約倉邊	裕和堂 廣開報社 蔣寓 濟南報館 張寓 劉雨農先生 劉子立先生 廣益書局 廣益書社 集益書社 國民教育社 文明書室 中東書社 南昌派報處 實業書局 文海閣 萬卷書樓 新學會社
------------------	----------	--------------------------	---	------------------------------------	---	--------	--

(1537)

蘇

江

166

街上者十不一人。

俗敬事鬼神。每逢春夏之交。各寺院出會。每次所費。


至少亦數千金

山陽之物產

物產甚繁不及備錄僅誌其  
重要者

稻 稷 黍 粱 粟 麥 豆 鹽 水膠

葵扇 蘆蓆 藥材 落花生



(1536)

# 警告代派所及閱者

本誌發行期數已過全年之半而內地之代派所及閱者之中尙多未繳足報資者殊屬有意延遲自本期起凡未繳足報資者概行停寄以前之報統作零售計算該款仍由經手者退繳

其有閱者已付清報資而代派所延不繳出以致停報者可速函知總發行所或總經售所以便稽查

不論代派及定閱務須先付報資空函概不奉覆

郵局寄報遠處每多遺失宜於郵費外酌加掛號費俾可查究

## 售價表

每冊	大洋兩角半	一年	一元三角	全年	兩元五角
日郵	三分	日郵	角五分	日郵	三角

內地由郵局寄者每冊另加郵費內地二分由信局寄者信資自給

## 廣告價目表

洋裝	一頁	半頁	一頁	一角
五圓	三圓	二圓	二圓	一角

黃帝紀元四千三百九十四年九月廿八日印刷  
黃帝紀元四千三百九十四年十月一日發行

編輯者 江蘇同鄉會幹事

發行所 江蘇同鄉會出版部

印刷人 藤本兼吉

印刷所 中國上海棋盤街

總經售處 明權社

# 江蘇

第一一二二期

(精裝六册)

定價：壹幣一五〇〇元  
美金 四〇〇元

發行者：中國國民黨中央委員會黨史史料編纂委員會

經銷處：中央文物供應社

印刷者：國

究必印翻・有所權版

臺灣省台北市中山南路十一號之一  
郵政劃撥帳戶一四六一八號

臺灣省台北市大同街一二五號

中國國民黨中央委員會黨史史料編纂委員會藏本  
中華民國五十七年九月一日影印初版